

HEBREOS

Pa' Ła's les t'anipji' pe' angelits.

¹ Pakha'aj toxik'i pa' Intata hayiits nifelji'ji'm na'aj łunye'jkii pe' i'nalheyik'i qa i'njiiiji' pe' profetas'ik'i.*

² Qa ha'neh'ij ene' teke'lenju' nehuts qa hats łaa'sija ha' i'nijji' in nifel ine'm, hikha' testi'yij qu' natsat'axij ene' week, qa hikha' iye yaqsiijkii ha'ne wa's qa ha'ne week sehe' epji' iye.*

³ Hakha'an hikha' pa' łesa'x tuji'ha pa' Intata, qa hakha'an iye ham hami'ik'ui in hik łunye'j pa' Dios. Łakha' niyejinik'ui ha'ne week qe ta'lets pa' let'unha'x pa'qu' nit'ij. In hats jiyilijiju' pe' inwu'ets qa wapiletspha'm na' wa's i'niju' pa' yiya'yik'i pa' qi Tenek'enhei.*

⁴ Ma' qa les in t'anipji'ha pe' angelits, qe testi'yij pa' łuk'eji' les in qiji' qa nite' hik łunyejei pekhewe'en.*

⁵ ¿Qe pa'n ipłu'uk'i pa' Intata qu' nit'ijets pa'qu' angele': —*Akha' k'ayaasija, hane'ej hats haqsiijkii qu' enekfik'i?*— (Sal 2:7) ¿Qa pa'n ipłu'uk'i iye qu' nit'ijets: —*Yakha' qu' łatataye'yij, qa łakha' qa' ya'si'ij?*— (2S 7:14)*

* **1:1** Jn 9:29; He 2:2-3; Hch 2:30; 3:21; Nm 12:6,8; Jl 2:28 * **1:2**
 2P 3:3; Jud 18; Sal 2:8; Jn 1:3 * **1:3** Mr 16:19; Col 1:17 * **1:4** Ef
 1:21; Fil 2:9 * **1:5** Hch 13:33

⁶ Pa' Intata qa yit'ij iye pa'aj in yethinij ha'ne week sehe' epji' ha' ajit in la's: —Week pe' laqa angelits ha'ne Dios qu' niyinet.— (Sal 97:7)*

⁷ Pa' Intata qa yit'ij iye in iyetij pe' laqa angelits: —Ha'ne yaqsiiyki ne' laqa angelits qa hik tunyejei na'aj t'unik'i, qa ne' leqejkunenhei qa hik tunyejei na'aj fe't leppep.— (Sal 104:4)

⁸ Qa in iyetij iye ha' la's qa yit'ij: —Akha' Dios, nite' yili'ij qu' enek'enhei, pa' t'enek'enheiji' ewi'tle pa' yatsathen.— (Sal 45:6)

⁹ Lisu'un pa' yatsathen qa pa' ul'ax qa tuteenija, (Sal 45:7)qa hik ta'tijupi' pa' Dios, hikpa' ege Dios in netisij pa' qi in esa'xi'mkii, les in qi qa nite' hik tunye'j pa' testi'yij pekhewep.— (Is 61:1,3)*

¹⁰ Qa yit'ij iye: —Akha', Yatsat'ax'inij, in i'nk'aa'ija qa laqsiiyki ha'ne sehe', qa ne' okoyei qa yaqsiiyki ene' wasits.— (Sal 102:25)

¹¹ Enewe'en hamits hatse', qa akha'te qa'nte' a'hame', (Sal 102:26)week enewe'en hik qu' tunyejeje' na'aj witqhinawat in hats tawa'ma'x.— (Is 51:6)*

¹² Enewe'en hik qu' eqfenye'ji'ij na'aj peñilo witintaafit qu' ipephe'tje'm, qa' ink'aihit iye hik qu' tunyejeje' ne'ej witqhinatai qe wenink'aihit. Qa akha'te qa nite' yili'ij pa' hatsle ejunye'j, pe' ege'ninqapits nite' yili'ij.— (Sal 102:26-27)*

¹³ ¿Qa pa'n iplu'uk'i pa' Intata qu' nit'ijets pa'qu' angele': —Niju' e'weyü ha'ne ts'iyayik'i hatse'tu' qu' otstaxipi'kii nekhewe' ejuihifets?— (Sal 110:1)*

¹⁴ Qe week pe' angelits espíritu leq'ithayinenhei

* 1:6 Ro 8:29; He 10:5; Dt 32:43 * 1:9 Fil 2:9 * 1:11 Is 34:4

* 1:12 He 13:8 * 1:13 Jos 10:24; He 10:13

pa' Intata, qa yuqin qe qa' ni'fen pekhewe' qu' netesti'yij hatse' pa' witiła'x nite' yili'ij.*

2

Qu' nite' jint'eku'mi'iha.

¹ Qa hik ta'lijupi' qu' les le'wis qu' jinatjanitheni-jha qu' jinaxtayitik'iha kekhewe' hats jitepi'ye'ek'i, hats'inha qu' nite' jitoxi'imets pa' wit'ikheyi'j ta'lets pa' yijaa'ija.

² Qeku'nek, jeř qeku'ni'tek pakha'aj pa' Intata pe' yit'ij in i'nijji' pe' angelitsletax, la'mek qa qi pa' let'unha'x, qa pe' nite' yisu'un nite' nek'enheyutaxik'i, ma' qa tatanithenhetiijij in luk'e'ek pa' weju'lij.*

³ ¿Qa pa'n lunye'j qu' ji'nilattaxik'ui qu' nite' jinatjanitheni'ij in hats tewu'mhitiitax'ink'ui pe' in-wu'ets? Hik aka' yojo'oj in nifel ha' Yatsat'ax'inij, qa hekhewe' yepi'ye' hakha'an qa yiwjutsiqeni't ye'mha aka'an in yijaa'ija.*

⁴ Qa pa' Intata in yiwjutsiqen aka'an in yijaa'ija, qa yit'iji' in yiwjutsiqen kekhewe' jutsiqet-sij in ta'ii pa' Intata qa in yitjułaxijpha'mkii iye, qa kekhewe' iye lunyejeite wetju't ham lunyejeyi'iju't qa pekhewe' iye jiyelisij pa' Espíritu Santo qu' ji'niyayij in lunye'jek pa'qu' nisu'un qu' ji'niyayij.*

Jesús hikpa' ta'lets in hats ji'tii.

⁵ Qe pa' Intata nite' tisij pe' angelits qu' netnek'enheiji' hatse' pa' ink'ayik sehe' mexe

* **1:14** Sal 103:20; Mt 18:10; He 5:9 * **2:2** Dt 33:2; Hch 7:53; Nm 15:30; He 1:1; 10:28 * **2:3** Lc 1:2; He 1:2; 10:29 * **2:4** Jn 4:48; Hch 2:22; 1Co 12:4; Ef 1:5

hamik'ui, hik pakha' t'ejuyets kekhewe' hane'ej henfeltaxi'.

⁶ Qe yit'ij yijat'ij pa' ewi'l in i'nji' kekhewe' we'nika'ajji' in yit'ij: —¿Pa'n eqjunye'jij pa' jukhew qa nite' tantapi'üikii? ¿Pa'n eqjunye'jij pa' ta's ene' jukhewle in tiwejutenij? (Sal 8:4-6)*

⁷ Qa taqsijikii in tammi'ste in te'weyik'uiju' pe' angelits in nite' qiji'. Akha' tetisij pa' qi tesa'x qa t'eni pa' luk'ejj', qa tetisij qu' netnek'enhe'yij week pe' taqsijijju' pe' okoyei.

⁸ Akha' taqsijikii qa week t'eniiju' pe' tefiyei pakha'an qa tenek'enhe'yipji'.— (Sal 8:5,6) Ye'ehe, pa' Intata in yit'ijets in week tenek'enhe'yipji', qa ham pa' qu'nte' netnek'enhe'yij, qa ha'neh'ij qa mexente' jite'wen qu' nasinik'i aka'an.

⁹ Qa hats jinikfe'lets hakha' taqsijikitiyijkii in tammi'ste in te'weyik'uiju' pe' angelits in nite' qiji', hik hakha' Jesús, testi'yij pa' qi tesa'x qa pa' luk'ejj' qe ta'lets pa' qi in yaats'e' qa wa'm, qe pa' Intata in qi pa' teqsu'unka'x inij qa yaqsijikii in wa'm infi hakha'an qe qa' jini'fen.*

¹⁰ Pa' Intata yaqsijikii week pekhewe' na'l qu' net'ejui'e'ets lakha', qa yisu'un qu' olotse' pe'qu' letitse' qu' neka'xii pa' qi tesa'x. Qa hik ta'hijupi' in les te'wis qu' naqsijikii qu' nasinketik'iha pakha' les te'wis qu' lunye'je'kii hakha' qu' nata'lets qu' ji'tiye' qe ta'lets pa' qi in yaats'e'ej.*

¹¹ Qe pa' yiwu'm pe' witwu'lets qa pe' tewumhiti'yik'ui pe' lewu'lets enewe'en ewi'He pa' Latata. Qa hik ta'hijupi' hakha'an in nite' wepinij in

* **2:6** Job 7:17; 1Co 15:25 * **2:9** Hch 2:33; 3:13; Jn 3:16; 2Co 5:15;

Fil 2:9 * **2:10** Lc 13:32; 24:26; Ro 11:36; He 7:28

yit'ij ewets k'injats.*

¹² Qa yit'ij in i'nji' kekheve' we'nika'ajji': —Aka' ii qu' henfeli'm enewe' k'injats. Qa' ha'nijji'teje'm qu' netlijsii ei ma' qa' heilijtsii ei qa' k'ewqinhet.— (Sal 22:22)*

¹³ Qa yit'ij iye: —Yakha', pakha'an qu' het-jumti'ijets.— (Is 8:17) Qa yit'ij iye: —Ha'ne qe ha'ni', ha'nijup ne'yilits tsetisij na' Dios.— (Is 8:18)*

¹⁴ Qa hik ta'hijupi', in lunyejeyek enewe' lélits in ikijets aka' wit'eseninye'j qa na'l iye pe' l'athits, qa lakha' qa ikjiijetsek aka' lunyejei, hats'inha in wa'm qe qa' niwu'lenhetju' pa' inwo'met, hik pakha' na'ltaxi'm pa' let'unha'x pa' witwamhi'.*

¹⁵ Qa' niwejinkii iye pekhewe' wit'inheitaxij eke' week lahats'ij qe nijiwe'yi'm pa' witwamhi'*

¹⁶ qe yijaa'ija, nite' namijju' qu' ni'fen pe' angelits, qe namijju' yijat'ij qe qa' ni'fen pe' ta'lets pa' Abraham'ik'i.

¹⁷ Qa hik ta'hijupi' pa'aj in les le'wis qu' notjon-ketik'iha enewe' lek'injats, hats'inha qa yamle'etsji' in hats qi in eq'iltinhetsax qiji' pa'i nite' yijanik'i week pa' hats yisu'un pa' Intata, hats'inha qa' niwu'm pe' lewu'ets ene' week.*

¹⁸ Qe in lunye'jek lakha' in qi in yaats'e' in tajaajin-hetii, qa lunyeje'ji'jek qu' qi qu' ni'fen pekhewe' qu' natjaajinhetii.

3

* **2:11** Mt 28:10; Jn 20:17; Hch 17:28; He 10:10 * **2:12** He 12:23

* **2:13** Sal 18:2; 12:2; Jn 10:29; 2S 22:3 * **2:14** Jn 1:14; 1Co 15:54-56; Col 2:15; 2Ti 1:10; 1Jn 3:8 * **2:15** Ro 8:15; 2Ti 1:7 * **2:17** Fil 2:7; He 4:15; 5:1-2; 7:26-28

Jesús les in qiji' t'anipji' pa' Moises'ik'i.

¹ Qa hik ta'hijupi' yejefetsipji' pa' Intata, i'nij ji'teje'm pe' teniya'yijii pa' wa'sji'pha'm, ijamti'ihii pa'n lunye'j ha' Jesús, Łakha' nukin inwetsju' pa' Intata qa qiji' Pa'i, ma' qa hikha' jitetfelij in nite' jiteqeku'.*

² Łakha' tek'eenik'iha pakha' hats yit'ijets pakha' nukin, in lunye'jek pa'aj pa' Moises'ik'i in tek'eenik'iha pa'qu' nit'ijets pa' Intata in tenek'enhe'yij pe' week Israel.

³ Qa lesle in qiji' ha' Jesús qa nite' hik lunye'j pa' Moises'ik'i, in lunye'jek na'aj yaqsiiikii ne'ej wititsi' in les qe weniwqinhetji' qa nite' ne'ej wititsi'.

⁴ Qe week ne'ej wititsi' na'l na'aj yaqsiiikii, qa pakha'le Dios qa yaqsiiikii ha'ne week.*

⁵ Pa' Moises'ik'i tek'enik'iha pa'qu' nit'ijets in t'ithayi'yi'm pa' Intata in tenek'enhe'yij pe' week Israel, hats'inha kekhewe' yaqsiiikii pa'aj qa' hik lunye'je' qu' nenfel kakha' mexe hamik'ui pa'aj.*

⁶ Qa hakha'le Cristo qa hik lunye'j na'aj wita's impiye' in tenek'enhe'yij pe' lets'i' pa' Intata, qa pe' lets'i' pa' Intata qa inekhewel in jitajayan, qu' jinatjanithenij qa' jinaamh'i'ijii pa' łahats'ij in jitumti in yijaa'ija ha' Cristo in hats jiyilin, qa qu' jintewqinhetji' iye qa' jintefel pa' inwetjuntikineyejeyik'ui.*

⁷ In łanye'jek pa' Espíritu Santo in yit'ij: —*Qu' hane'ej epi'ye'et pa' ł'a'x pa' Dios,* (Sal 95:7)*

* **3:1** Ro 15:8; Fil 3:14; He 2:11,17; 4:14-15

* **3:4** Ef 2:10; 3:9

* **3:5** Ex 14:31; Nm 12:7; Dt 18:19

* **3:6** Mt 10:22; Ro 5:2; 11:22;

1Co 3:16; He 1:2

* **3:7** Hch 7:36; He 4:3,5

⁸ hasu'uj qu'nte' enk'enheyuyi'ilets ma' qa' it'unheti't pe' atawjetsi't, in tuncyejek kekheve' alheyi'tik'i in nite' yisu'un qu' netk'enets, qa' yijaajintaajkii pa'qu' nami' pa' Intata qu' hats nite' newejuli'iju't in nite' tek'enets in neki'kii ha' ham i'ni'i'. (Sal 95:8)

⁹ Hik hakha'a' ke' alheyi'tik'i in tsijaajintaxijkii qu' nenikfe'lets me hitani'then me nite'. Yemjeetax in cuarenta (40) ininqapits in iktaxijje'm in yi'wen ke' haqsi'ji'mijkii. (Sal 95:9-11)

¹⁰ Qa hik ta'lijupi' in ts'ayu'um kekheve' jukhew'ik'i qa hit'ijets: "Nite' yili'ij in nite' nek'enheyu' pe' atawjetsi't, qa nite' tenikfe'li'tets pa'n yijunye'j." (Sal 95:10)

¹¹ Qa in hats ts'ayu'um qa hit'ijets in hiwju-tiqeni'm: "Nite' teke' qu' ami'tii na' qek mawapi-itaxili' na' yiwapihiwet."— (Sal 95:11)

¹² Jehi'liju't yejefets, hasu'uj pa'qu' nana'li'm pa'qu' latawe'je' pa' u'ax qa pa' witqekuye'j, ma' qa' toxi' imets pa' nite' wa'm Dios.

¹³ Matkakkini't wetju'tkii yijat'ij week ne'tuts hane'ej in mexe teke', hats'inha qa' hame' ekheweli't pa'qu' hik tuncye'je' qu' net'unje'm qu' nata'lets pa' laqawitjineya'x pa' u'ax.*

¹⁴ Qe inekhewel hats wanaqsiijkii in ju'un ji'teje'm ha' Cristo, ehe, qu' hats jint'ekuu'miju'tha pa'aj hakha'an in i'nk'aa'ija qa' jinaamli'ijii pa' lahats'ij.*

¹⁵ Qa hik ta'lijupi' in wenit'ij: —Qu' hane'ej epi'ye'et pa' t'a'x pa' Dios, hasu'uj qu'nte'

* **3:13** Ef 4:22; He 10:24 * **3:14** 1Co 15:2; He 3:6; 10:23; 11:1

enk'enheyuyi'ilet's ma' qa' it'unheti't pe' atawjetsi't, in tunyejeyek kekhewe' alheyi'tik'i in nite' yisu'un qu' netk'enets, qa yijaajintaxkii.— (Sal 95:7-8)

¹⁶ ¿Łek pekhewe' pe' yijaajintaxkii in hats yepi'ye'tax pa' l'a'x pa' Dios? ¿Me nite' hik pekhewe' pe' ikik'uifik'i pa'aj pe' Egipto yojo'ok'oi pa' Moises'ik'i?*

¹⁷ Pa' Intata ¿Łek pekhewe' pe' nayujiji'm qa ikijje'm cuarenta (40) ininqapits? ¿Me nite' hik pekhewe' pe' u'l'ax yaqsiijkii qa naxju' qa pe' lenutsik'i qa amaneiji' pa' ham i'ni'i'?

¹⁸ ¿Qa Łek pekhewe' pe' hats yiwjutsiqen pa' Intata qu' nite' nuyejiteje'm pa' ławapiihiwet? ¿Me nite' pekhewe' nite' tek'enets?

¹⁹ Hats jinikfe'lets in nite' uiji'teje'm pekhewe'en pa' sehe' Canaán qe ta'lets in nite' tek'enets pa' Intata.

4

Pa' ławapiihijii pe' yijayan pa' Intata.

¹ Qa hik ta'lijupi', in mexe łeke' qu' ji'nuiji'teje'm pa' ławapiihiwet pa' Intata, qa les łe'wis qu' jine'nijiweyets qu' jinaqamij. Hasu'uj pa'qu' numti qu' hats nite' łeke'ye' qa' amane'fik'i.*

² Qe yijaa'ija, inekhwel in hats jitefelhiti'yi'm ekewe' łe'sits wi'tlijei, hik łunyejei pa'aj pekhewe' ikik'uifik'i pa' Egipto. Qa nite'Łe testi'yij pa' hats weniwjutsiqentaxi'm, qe yeqeku'uk'i pa' wenitaxijets.

* **3:16** Nm 14:2; Dt 1:35-38
1Ts 2:13; He 12:15

* **3:17** Nm 14:29; Sal 106:26 * **4:1**

³ Qa inekhewel in jitek'enets qa hats ju'uiji'teje'm pa' lawapihiwet, qa pekhewepe qa nite' uiji'teje'm, in l'anye'jek pa'aj in yit'ij: — In lunye'jek in ts'ayukii qa hit'ij: *“iNite' leke' qu' nuiji'teje'm na' yiwapihiwet!”*— (Sal 95:11) ;Qa nite' leke' qu' nuiji'teje'm yemjeetax in hats week yijat'etstaxi'mju' pe' wekwek in iplu'uk'i ek pa'aj in i'nk'aa'ija yaqhat'axij pa' Intata ha'ne week sehe' ipji!*

⁴ Qe hik aka' yit'ij ke' Intata le'lijei in t'ejuyets in hats yamets pa'aj wetsjuk tatsai (7) neluts: — Pa' Intata qa wapiiji' pa' ne'uji' in yamets wetsjuk tatsai (7) in hats yaqhat'axij pe' l'ithayjkitits.—*

⁵ Qa ka' hats henfel in yit'ij: —*iNite' leke' qu' nuiji'teje'm na' yiwapihiwet!*— (Sal 95:11)*

⁶ Qe pekhewe'en in yepi'ye'tax qa nite'le tek'enets pa' Intata, qa hik ta'hijupi' in nite' leke' qu' nuiji'teje'm pa' lawapihiwet. Qa mexele leke' pekhewepe' qu' nuiji'teje'm.

⁷ Qa hik ta'hijupi' pa' Intata in yeni' pa' ewi'l ne'uji' in yit'ij: —Hane'ej.— I'nijji' pa'aj pa' David'ik'i in hats olots ininqapitsik'i pa'aj pekhewe'en, in l'anye'jek pa'aj kakha' wi'tlijei in yit'ij: —*Qu' hane'ej epi'ye'el pa' l'a'x pa' Dios, hasu'uj qu'nte' enk'enheyuyi'ilets ma' qa' it'unheti'l pe' atawjetsi'l.*— (Sal 95:7,8)*

⁸ Qe qu' net'ejuile'ets pa' yeka'xii pa'aj pa' Josué pe' Israel witwapiihiwet, ma' qa pa' Intata qekha nite' nenfeletax pakhape' nehu.*

⁹ Qa hik ta'hijupi' in jinikfe'lets in na'l pakha'

* 4:3 Sal 95:11; He 3:11 * 4:4 Ex 20:11 * 4:5 He 3:19 * 4:7 He 3:7 * 4:8 Jos 22:4

mexe aman qiji' neŭu witwapiihijii qu' net'ejujets pe' lelits pa' Dios.

¹⁰ Qa pe'qu' hats nuiji'teje'm pa' lawapihiwet pa' Intata, qa' nawapiyij pe' l'ithayjkitits, in lunye'jek pa' Intata in wapii pa'aj.*

¹¹ Qa hik ta'hijupi', jiwent'unhet qa' ji'nuiji'teje'm pa' witwapiihi'wet, hats'inha qa' ham pa'qu' hik lunye'je' pa'aj pekhewe' nite' tek'enets pa'aj.

Pa' let'unha'x ke' Intata le'lijei.

¹² Qe ke' Intata le'lijei in tefelhitii hik lunyejei qu' iliy'e, t'units, qa' les in yaslits iye qa' nite' hik lunyejei na'aj witqatsjikinēt week yaslax l'anu qa' l'ejuyi'j, qa' in yaslits wiikfik'i qa' leke' iye qu' nuiji'teje'm qa' neqetheni'l' wetju'l' pa' hla'x ha'ne i'nese'n pa' inqe'spiritu, qa' leke' iye qu' nuiji'teje'm pe' l'aka'thel wetju'l' ene' lewekwekits ene' i'nesenits qa' pe' ininuts latakjets, qa' nikfe'letsha iye in yejelijupkii pa' yoksi'wen qa' pa' yumti iye pa' intawe'j.*

¹³ Qa ham pa'qu' not'axi'mji' ene' week laqsijijju', qe week yijat'ij in lequk'elli'ijkii pe' lotoy pakha' jiyeyumtshenij hatse' pakha' hane'ej injunyejei.*

Jesús qiji' pa'i.

¹⁴ Qa hik ta'hijupi', inekhwel in na'l ine'm ha' qiji' in pa'i yamiipha'm na' wa's, hikha' Jesús, la's pa' Dios, ma' qa' jinatjanithenijha in nite' jiwepiniij in jitetfelij in nite' jiteqeku'.*

* **4:10** He 4:4; Ap 14:13 * **4:12** Jer 23:29; 1P 1:23; Is 49:2; Ef 6:17; Ap 1:16; 2:12; 1Co 14:24-25 * **4:13** 2Cr 16:9; Job 26:6; 34:21; Sal 33:13-15 * **4:14** He 3:1; 6:20; 10:23

15 Qe ha' na'l ine'm qiji' pa'i yoksi'wen pa' jiktoksi'wen in nite' jet'units, qe lakha' iye tajaajin-heti'yij pa' a'tax in injunyejeyek hane'ej, qa lakha'le qa nite' yaf'ali'ets pa'qu' luk'eye' pa' ul'ax qu' naqsi-ijkii.*

16 Qa hik ta'lijupi', hasu'uj ji'nijiwei qu' jinenekets pa' lots'oji'la'x wa'sji' hats'inha qa' jinehisij pa' leq'iltiye'j, ma' qa' jini'fenji'ij qu' jintesu'unji'ij qu' jini'fen.

5

1 Qe week pa'qu' qiye'ji' pa'i t'eku'miiji' pa' Intata qe qa' ni'fenij ene' jukhew pekhewe' t'ejuyets pa' Intata, hats'inha qu' lakha'ye' qu' nithayiki pe'qu' witqistitsi'ij pa' Intata, qa pe'qu' natlanhetiy-ifi iye pa' Intata inqa'metets qu' net'ejuyets pe' witwu'lets.

2 Pakha' qiji' pa'i in jukhewle iye qa yoksi'wen ji'jek pakha' nite' witt'unhaxiju'l pe' wekwek, ma' qa' ne'nq'eletij pekhewe' ham nikfe'lets qa pekhewe' yeqfeetsinhi'ikii pa'qu' hikheyije'.*

3 Qa in ta'lijupi' in yoksi'wen pa' nite' witt'unhaxiju'l pe' wekwek qa lakha' iye qu' nilanjiifi ek pe'qu' inqa'metetse' pa' Intata qu' net'ejuyets pe' lewu'lets, in lunyejeyek pekhewep in t'ejuyets pe' lewu'letsle'ek.*

4 Qa ham pa'qu' lakha' ye'le qu' net'eku'mi' aka' witiwqiye'jji', qe pa' Intata yijat'ij in t'eku'm iniiji' qa jintesti'yij, in lunye'jek pa'aj pa' Aaron'ik'i.*

* 4:15 Is 53:3; He 2:18; 2Co 5:21; 1P 2:22 * 5:2 He 2:18; 4:15; 7:28

* 5:3 Lv 4:3; 9:7; He 9:7 * 5:4 Ex 28:1; 1Cr 23:18

⁵ Qa hik łunye'j iye ha' Cristo, nite' ta'lets qu' neni-wqinhetle in qiji' pa'i, qe ta'lets yijat'ij in yiwqin-hetji'. Pakha' yit'ijets pa'aj: —Akha' k'ayaasija, hane'ej hats haqsiijkii qu' enekfik'i.— (Sal 2:7)*

⁶ Qa kakhap qa yit'ijek: —Akha' nite' yili'ij qu' a'pa'iyi'ij, in łunyejju'ek pa' leqniyak pa' Melquisedec.— (Sal 110:4)*

⁷ Ha' Cristo in mexe i'nipji' ha'ne sehe', iyinii pa' Intata qa iyinijets qu' ni'fen, qe ewi'He in leke' qu' nilithinik'ui pa' witwamhi'. Qa in iyin qa nekju' pe' let'ili in ip qa yit'unhetik'i in iyet in iyin. Qa pa' Intata qa yepi'ye' qe ha' Jesús wetf'iljetsin qa week yaqsiijkii pa'qu' nisu'un pa' Intata.*

⁸ Yemjeetax in Ła'staxija pa' Dios, qa nikfe'lets pa'n łunye'j qu' jintek'en in ta'lets pe' wekwek qu' jintaats'e'ej.*

⁹ Qa in hats week le'wisik'uyi' hakha'an qe yaqsi-ijkii pe' yit'ijets pa' Intata, ma' qa łakha' qa ta'lets pa' witiłax nite' yili'ij qu' net'ejuyets week pekhewe' qu' netk'enets.

¹⁰ Qa hik ta'lijupi' pa' Intata qa yeni' qu' qiye'ji' pa'i, in łunyejju'ek pa' leqniyak pa' Melquisedec.

¹¹ Qa in t'ejuyets ha'ne Melquisedec olots pe'qu' jintit'ij, qa jutsitaxle qu' jintefel qe ekheweli'ł jutsitax qu' enikfe'li'hik'i.

¹² In hats ła'nape'elijets in ł'ek'eni'lets ke' le'sits tefelhitii, qekha hats a'maestrole'taxi'lipji'. Qa menjiitle ł'ijatshenheti'yi'ij ke' nite' jutsitetstax t'ejuyets pa' Intata. Ma' qa hats hik ejunyejeyi'ł

* 5:5 Jn 8:54; He 1:1 * 5:6 He 7:17; Gn 14:18-20 * 5:7 Mt 26:39; 27:46,50; Mr 14:36; 15:34,37; Sal 22:1; Lc 23:46 * 5:8 Fil 2:7-8; He 1:2

iyē qu' etu'f h'i'it qa nite' leke' qu' etuji' l' na'aj t'un.*

¹³ Qe week pakha' qu' mexe netu'ffe, nite' nikfe'lets pa' yatsathen qa pa' nite' yatsathen, qe mexente' qi.

¹⁴ Qa na'ajle witaq t'un qa t'ejuyetsek pekhewe' hats qits, pekhewe'en in wenijatshenij qa nikfe'lets qu' nejeħik'ui pa' le'wis qa pa' ul'ax.*

6

¹ Qa hik ta'lijupi' qu' yape jinakik' uifik'i kekhewe' hats jinikfe'lets t'ejuyets ha' Cristo, ma' qa' j'i'nuiji'teje'm pakha' hats les in jutsitax wi'tlijei. Qa hasu'uj qu' jinapilets iye pekhewe' hats jiyaqhat'etsij in jitojohonjo' pekhewe'en, in jiti't'ijets in hats jiteli'ij pe' wekwek jiyeka'xii pa' witwamhi', qa pa' nite' inqekuyejeij pa' Intata,*

² qa in jit'ijatshenhetij iye pa'n ikji' kekhewe' lunyejeikii in wenpulijijju' qa in yeni'pji'kii iye lokoyei, qa qu' ihiye' pe' hats naxtaxju', qa pekhewe' tejeju'mtshenhetii qu' namii pa' fe't nite' yili'ij.*

³ Pa' Intata qu' lexke'yi'ij, qa' les hit'ilij ju'f pe'qu' i'nk'aihitse' qu' nek'inq'ijatshenij.

⁴ Qe in t'ejuyets pekhewe' hats testiitaxij pa' ħikfeliyaxitsets pa'n lunye'j qu' ji'la'xe', qa nikfe'ltaxets iye pa' leqisit pa' Intata, qa i'ntaxij ji'teje'm iye in yoksi'wen pa' let'unha'x pa' Espiritu Santo,*

* **5:12** 1Co 3:2; He 6:1; 1P 2:21 * **5:14** Is 7:15; 1Co 2:6 * **6:1** Fil 3:13; He 5:12; 9:14 * **6:2** Jn 3:25; Hch 6:6; 17:31-32; 19:4-6 * **6:4** Ga 3:3; Ef 2:8; He 10:32

⁵ qa nikfe'ltaxetsha iye pa' l'emenye'j ke' le'sits Intata le'lijei, qa nikfe'ltaxetsha iye pe' let'unhaxits hatse' pa' Intata pakha' mexe hamik'ui,

⁶ ma' qa in hats namju'kii, qa nite' leke' qu' net-pilik'i qu' nit'ijets qu' naf'alih'ij, qe hats lekhewelle in hik lunye'j qu' nenji'pha'm iye pe' cruz ha' la's pa' Dios ma' qa natlakaxtiju' iye hakha'an.*

⁷ Qe na'aj sehe' in les yiwq'axin pileyits qa le'sitsji' iye ne'ej leqei, qa pekhewe' wenq'eni' qa yi'weju'lenij, pa' sehe' qa yejelets pa' Intata.*

⁸ Qa in ta'hi'i' ne'ej tii qa ne'ej extuwekkukui, qa ham weju'lij, ma' qa hats k'esiyu'ets qu' na'nipji' pa' lawak pa' Dios. Qa' hamitse' qu' netene'lju'.

Pa' qi in jiwetjumpti'ik'ui qu' nafits.

⁹ Qa ekheweli'l yejefets, yemjeetax ekewe' hi'ttaxi'lij ewets, qa tsikfe'li'idets in nite' nasini'l ji'teje'm ekewe'en, qe ekheweli'l les yijat'ij in l'ijayilijfik'i in hijayani'l pa' Intata.

¹⁰ Qe pa' Intata in qi in yatsathen, qa nite' leke' qu' nantapi'ii pekhewe' laqsiihijkii qa nite' leke' iye qu' nantapi'ii in l'inq'ethini'ij pa' leqsu'unka'x qa li'feni'l pekhewep. Hik kakha' mexe laqsiihijkii hane'ej.*

¹¹ Qa hisu'unletaxi'l qu' week ewilei ekheweli'l qu' naamli'ijii pa' l'aka'the' qu' inq'ethini'ij in nite' atha'la'li'lju', hats'inha qu' afitstaxi'l hatse', ma' qa nafits pa' qi in letjumpti'ihik'ui.

¹² Hats'inha qu' nite' a'walxalitsi'il, qa' ojon-ketihik'i yijat'ij pekhewe' testi'yij hatse' pakha'

* **6:6** He 10:29; 2P 2:21; 1Jn 5:16 * **6:7** Gn 3:17-18; Sal 65:10; Is 5:6 * **6:10** Pr 19:17; Mt 10:42; 25:40; 2Co 8:4; 1Ts 1:3; 2Ti 1:18

hats yiwjutsiqen pa' Intata qe ta'lets pa' nite' leqekuyejeyij qa in nite' itaqsunijup iye.*

Pa' yiwjutsiqen pa' Intata yijaa'ija.

¹³ Pa' Intata in nifeli'm pa' yiwjutsiqeni'm pa' Abraham, qa in ham pakha' qu' netweyik'uipha'm pa' Intata qu' les qiye'ji' qu' netetfeliji'm pa' yiwjutsiqeni'm pa' Abraham, qa lakha'le in tetfelli'ij lete'm,*

¹⁴ qa yit'ij: —*Yijaa'ija qu' k'efen qa' yijaa'ija iye qu' k'etisij pe'qu' olootse' qu' nata't ewets hatse'.*— (Gn 22:17)

¹⁵ Pa' Abraham qa notki'ets nite' itaqsunijup, qa pa' Intata qa yaqsiimijkii pa' hats yiwjutsiqeni'm pa'aj.

¹⁶ Qe ene' jukhew in na'l na'aj yisu'un qu' neni-wjutsiqenij qa tetfeliji'm na'aj te'weyik'uipha'm in qiji', qa in yaqsiijkii aka'an qa hats nite' leke' qu' nenwu'mpha'm. Ma' qa hats l'aka'the'le pa' wi'tlijei.*

¹⁷ Qa hik lunye'j pa' Intata, in yisu'un qu' nethi-inijha pekhewe' tisij hatse' pa' hats yiwjutsiqen in nite' yink'aihitik'ui pa' hats yit'ij, qa in yiwjutsiqen pa'aj qa tetfeelijha,

¹⁸ hats'inha pa' yiwjutsiqen qa in tetfeelijha iye, qa' hik enewe'ye' qu' nata'lets qu' jet'unitse'jiik'i inekhewel pekhewe' wo'oikii pakha' qu' naqsi'jju', qa jinikfe'letsha iye in yijaa'ija pakha' hats yiwjutsiqen pa'aj pa' Intata, qa enewe' wetsjuk pa'

* **6:12** He 10:36; 13:7 * **6:13** Gn 21:5; 22:16-17; Lc 1:73 * **6:16** Ex 22:11; He 11:9

yiwjutsiqen qa in tetfeelijha iye qa nite' leke' qu' naqanlekii pa' Intata.*

¹⁹ Qa in jinikfe'lets in yijaa'ija pa' yiwjutsiqen pa'aj pa' Intata, qa hane'en qa hik lunye'j qu' leqe tseyeme' pe' intawjets in lunye'jek ne'ej tokoyei leqe tseyem. Qa pekhe'le inqe tseyem qa i'nifi pe' te'weiteje'm pe' wtlitsitjii inqa'met l'ajits (tabernáculo) na' wa'sji' qa pa' le'niyak qa t'atsji'fik'i pa' lejilafi' leqeji' pe' te'weiteje'm, ma' qa jet'unitsji'ha qa jiyijanit'etsija iye.*

²⁰ Qa pekhe' te'weiteje'm pe' wtlitsitjii, hik pekhe' ha' Jesús wathayin ine'mifi qa yaqsi'j ine'mijkii qu' leke'ye' qu' ji'nuyetsji', qe lakha' hats qiji' pa'i qa nite' yili'ij in qiji' pa'i in lunyejju'ek pa' leqniyak pa' Melquisedec.*

7

Pa' Melquisedec.

¹ Pa' Melquisedec wittata pa'aj pa' witset Salem qa laqa pa'i iye pakha' qiji' in Dios. Pa' Abraham in tepil pa'aj in hats naxij in watlani'l pe' wittatal, pa' Melquisedec qa mexe ikfik'i qu' newetweni'l pa' Abraham qa iyinipji'.*

² Qa pa' Abraham qa tisij pa' Melquisedec pa' ewi'l pe' week inyaqsii (10) yametsji' yegethen wetju'lkii hik lunye'j tup'umje'mkii pe' wekwek qa pe' inqa'metets naxij pa'aj in watlani'l pe' wittatal. Qa kakha' witi Melquisedec yojo in ikji' "wittata pa' yatsathen", qa ikji' iye "latata'aj pa'

* **6:18** Tit 1:2; He 12:1 * **6:19** Lv 16:2,15; He 9:7 * **6:20** He 4:14;
5:6,10; 7:17; 8:1; 9:24 * **7:1** Gn 14:18-20; Mt 4:3; Mr 5:7; He 7:6

witset Salem”, qa aka' Salem qa ikji' “latata pa' wit'ikesimeya'x.”

³ Pa' Melquisedec ham latataye', ham leneneye', ham pe'qu' nata'lets pa'aj, nite' yinikfe'l in i'nk'a neketsfik'i pa'aj ene' neluts qa pa' yami' pa' hla'x, qa aka'an in lunye'j qa hik lunye'j ha' ta's pa' Dios, ma' qa amanij qa nite' yili'ij in pa'i.

⁴ Jel qeku'ni'lek pa' na'li'm lewqiye'jji' pa' Melquisedec, in lakhaa'ija pa' inaqwa'ma'xik'i Abraham tisij pa' ewi'l pe' le'sits pe' diezmo,* week inyaqsii (10) yametsji' in yeqethenju'kii tup'umje'mkii pe' wekwek qa pe' inqa'metets, naxij pa'aj in watlani'l pe' wittatal.*

⁵ Jitejelqekunek pa' yit'ij pa' ley yika' pa'aj pa' Moises'ik'i, in uja'xle pekhewe' pa'il ta'lets pa' Levi'ik'i in leke' qu' netesti'yijkii pe' leqe diezmo pa' witset, qa enewe'en qa lefefetsletax iye in ta'lets iye pa' Abraham'ik'i.*

⁶ Qa pa' Melquisedec qa nite' ta'lets pa' Levi, pa' Abraham qa tisij pe' leqe diezmo. Pa' Melquisedec qa iyinipji' pa' Abraham hikpa' na'li'm pa' yiwjut-sigen pa' Intata.*

⁷ Qa hats jinikfe'lets na'aj les in qiji' hik na'aj iyinipji' na'aj nite' les qu' qiye'ji'.

⁸ Qa enewe'le pa'il testiji'ij pekhewe' leqe diezmoji'ij ha'ne witset, enewe'en jukhewle, enewe'en wa'm iye. Qa pakha'le Melquisedec qa tefelhitii in nite' wa'm.*

* **7:4** Diezmo ikji', in na'li'm pe'qu' diezse' pakha' qu' lunye'je'le, qa ewi'l na'aj tisij pa' Intata. * **7:4** Gn 14:20; Hch 2:29; 7:8-9 * **7:5** Nm 18:21,26; 2Cr 31:4-5 * **7:6** Gn 14:19; Ro 4:13 * **7:8** He 5:6; 6:20

⁹ Pe' pa'il ta'lets pa' Leví enewe'en testi'yij ne'ej leqe diezmoji'ij ha'ne witset, qa leke'le qu' jinit'ijets pe' leqe diezmo'ek enewe'en in hik lunye'j qu' netisij iye pa'aj pa' Melquisedec qe ta'lets pa' Abraham'ik'i.

¹⁰ Qe pa' Leví in mexe hamtax pa'aj qa hatsle i'nji'teje'm pakha' ta'lets Abraham in we'tweni't pa'aj pa' Melquisedec.

Jesús nite'yili'ij in qiji' pa'i.

¹¹ Ma' hayits, qe qu' nata'lets pe' pa'il qu' natsathen ene' jukhew, ehe, qe hik enewe'tax qu' netenifeni't ka' ley, ma' qekha nite' nanametax pakhape' iye pa'ie', pakha'an qa hatsle nite' pekhewe' pa'il ta'lets pa' leqniyak pa' Aaron'ik'i, hikpe' Levitas, qe pakha' yijat'ij hik lunye'j pa' Melquisedec.*

¹² Qe qu' nenink'aihitipji' pa'qu' leqfenyejeji'ij pe'qu' pa'ile', ye'ehe, qa' nenink'aihitjiipji' ek pa'qu' leqe leye'.

¹³ Qe ha' Jesucristo hikha' t'ejuyets ekewe' tefelhitii wekwek, ta'lets pekhewep iye lawa'mhitsik'i, hik pekhewe' ham pakha' qu' pa'ie'.

¹⁴ Qa hats week jinikfe'lets ha' Yatsat'ax'inij in ta'lets pekhewe' lawa'mhitsik'i ta'lets pa' Juda'ik'i, qa pakha'le Moises'ik'i qa nite' yit'ijets pa'aj pa'qu' pa'ie' qu' nata'lets pa' Juda'ik'i.*

¹⁵ Qa aka'an in lunye'j, ma' qa hats yeqet'aaxik'iha hakha' ink'ayik pa'i in hik lunye'j pa' Melquisedec.

* **7:11** Ga 2:21; He 7:17-19; 8:7; 10:1 * **7:14** Is 11:1; Mi 5:2; Mt 1:3; Lc 3:33; Ap 5:5

16 Hikha' in pa'i'ij nite' ta'lets pakha' ley in t'ejuyets ene' jukhewle, qe ta'lets yijat'ij pa' let'unha'xijup in nite' wa'm.

17 Qe ka' t'ejuyets hakha'an we'nika'ajji' pa'aj yit'ij: —*Akha' nite' yili'ij qu' a'pa'iyi'ij, in lunyejju'ek pa' leqniyak pa' Melquisedec.*— (Sal 110:4)*

18 Qa hik ta'lijupi' kakha' hayiits ley in hats nite' weju'lij, qe hats nite' t'un qa hats ham iye weju'li'ij,*

19 (qe ka' ley ham leke'ye' qu' jinatsathenkettax), qa ha'neh'ij pa' yayaxipji' qa jiyelisij pa' les in le'wisju' in jiwetjumti'ets, qa aka'an qa ta'lets in les je'metitsi'm pa' Intata.*

20 Qe pa' Intata tetfeelijha pa'aj in yiwjutsiqen ha' Jesús qu' pa'iyi'ij. Qa pekheweple qa nite' tetfelij qu' niwjutsiqen,

21 qa hakha'le'en qa weniwjutsiqeni'm qu' pa'iyi'ij qa yit'ij pa' yiwjutsiqeni'm: —*Ha'ne Yatsat'ax'inij hats yiwjutsiqen, qa nite' leke' qu' nink'aihitik'ui. Akha' nite' yili'ij qu' a'pa'iyi'ij.*— (Sal 110:4)*

22 Qa aka'an in lunye'j, ma' qa ha' Jesús qa hikha' jutsiqaxij pakha' ink'ayik wenit'ij qu' jintaqsiijkii in les le'wis.*

23 Pekhewe' pa'ilipji' pa' yojo in wenit'ij qu' jintaqsiijkii olotstaxija, qa pakha'le witwamhi' qa hikpa' yaq'ayinji'jij qu' mexe nakij in pa'il,

24 qa hakha'le Jesús qa nite' yili'ij pa' hla'x, qa hik ta'lijupi' qu' nite' l'anuu'yi'i qu' nili'ij in pa'i'ij.

* 7:17 He 5:6; 6:20; 7:21 * 7:18 Ro 8:3; Ga 4:9 * 7:19 Hch 13:39; Ro 3:20; He 4:16; 6:18; 9:9 * 7:21 1S 15:29 * 7:22 He 8:6-10; 9:15; 12:24; 13:20

²⁵ Qa hik ta'lijupi' in leke' qu' ni'in qa pakhaayi'ij qu' ni'in pekhewe' qu' nenekets pa' Intata in ta'lets hakha'an, qe hakha'an nite' yili'ij pa' la'a'x qe qa' niyetjiipji' pekhewe'en.*

²⁶ Qa hik ta'lijupi' ha' Jesús in hikha' qiji' pa'i yasinik'iha pa' jitesu'untax pa'i qu' nana'l ine'm, qe lakha' yatsathen, ham pa'qu' lewu'axe', qa ham yami'ij pa'qu' ul'axe' pa' laqjamtikineye'jkii, toxi'mets pekhewe' ul'ax yaqsiijkii, qa we'neni' pakha' les toxpha'mha ene' wasits.*

²⁷ Hikpa' nite' hamik'ui qu' hik lunye'je' pekhewe' pa'il in yilanji'ij ne'ej inqa'metets week neluts qu' netisji'ij pa' Intata qa yojohonji'ij in t'ejuyets pe' lewu'etsle qa ink'ateji'ij pe' lewu'ets pa' witset. Qa hakha'le Jesús qa ewi'Hi'ij in yaqsiijkii in wetlisij pa' Intata qa pakhaayi'ij qu' lunye'je'.*

²⁸ Pa' leqe ley pa' Moises'ik'i yeni' qu' qitse'ji' qu' pa'ili'ij pe' jukhewle nite' t'units. Qa kakha'le yiwjutsiqen pa'aj pa' Intata qa tetfeelijha iye, kakha'an i'nk'ate na'l l'anu'upji' kakha' ley, qa yeni' qu' qiye'ji' qu' pa'iyi'ij hakha' la's, qa hikha' qa yaqsiijkii in nite' yili'ij qu' natsathen.*

8

Jesús qiji' inqa pa'i na' wa'sji'.

¹ Ma' hayits, aka' jitajamti'etsha aka'an: ha' na'l ine'm qiji' inqa pa'i, hikha' hats i'niju' pa' yiya'yik'i pa' lots'oji'la'x pa' Intata na' wa'sji'pha'm,*

* **7:25** Ro 8:34; He 9:24 * **7:26** 2Co 5:21; He 4:15 * **7:27** Ef 5:2;

He 5:1,3; 9:12,28 * **7:28** Fil 3:12; He 1:2; 2:10; 5:2,9; 10:14; 11:40

* **8:1** Col 3:1; He 2:17

² qa yithayiki pa' le'wisija wititset pe' yijaa'ija witlitsitjii inqa'met l'ajits (tabernáculo) yaqsiijkii pa' Yatsat'ax'inij qa nite' enewe' jukhew qu' naqsi-ijkii.*

³ Qe week na'aj qiji' pa'i in t'enheti'yi' qe qa' nana'l pe'qu' netisij pa' Intata pe'qu' ofrendaye' qa qu' nilanifi iye pe'qu' inqa'metetse' qu' net'ejuyets pe' witwul'ets, qa hik ta'lijupi' ha' Jesús in qiji' in pa'i qa' nana'l jeek pa'qu' netisij pa' Intata.*

⁴ Qe qek amani'ipji' ha'ne sehe', tees qek pa'ie'taxij, qe hane'e'in na'l ne' pa'il tistaxij ne'ej ofrenda pa' Intata qe hik aka' yit'ij ka' leqe ley pa' Moises'ik'i,

⁵ hik enewe' pa'il yithayiki hekhewe' wekwek tejehtiih'ijupi' qa hik lunyejei qu' lesi'nq'alitse'le pekhewe' wa'sji'pha'm, qa in jinikfe'lets in tejehtiih'ijupi', qe pa' Moisés in i'nk'aa yaqsiijkii pe' witlitsitjii inqa'met l'ajits (tabernáculo), pa' Intata qa yit'ijets: —*Jetik'uiha qa' aqsiijkii week kekhewe' wekwek in lunyejeyek kakha' hats lunyejei kekhewe' t'ethinhetiyij ene' utekji'pha'm.*—(Ex 25:40)*

Pa' Cristo jiyamitets pakha' les in le'wis pe' yiwjutsiqen pa'aj pa' Intata.

⁶ Qa hakha'le inqa pa'i Jesucristo, hikha' testi'yij pakha' les in le'wis wiikfik'i l'ithayijkit, qa hikha' ta'lets in jiyamets pakha' les in le'wis wiikfik'i pekhewe' yiwjutsiqen pa'aj pa' Intata.*

* **8:2** Ex 33:7; He 9:11,24 * **8:3** Ef 5:2; He 5:1; 9:14 * **8:5** Col 2:17; He 9:23; 10:1; 11:7; 12:25 * **8:6** Job 33:23; Is 29:1; Ga 3:19-20; 1Ti 2:5; He 7:22; 9:15; 12:24; 13:20; Lc 22:20; 2Co 3:6,8

⁷ Qe ka' yojo in wenit'ij qek le'wise'ju', qekha nite' jinowoyetaxiikii pa'qu' ink'ayik'e qu' nenit'ij.

⁸ Qe pa' Intata in yi'wen pe' jukhew in nite' leke' qu' netk'enets, qa yit'ij: —*Ha'ne Yatsat'ax'inij yit'ij: "Yamets hatse' pe'qu' netutseji' qu' haqsiijkii pa'qu' ink'ayik'e qu' nenit'ij qu' net'ejuyets ne' Israel leitets qa ne' Judá leitets.*

⁹ Nite' hik tunye'j kakha' wenit'ij haqsiimijkii kekhewe' t'alheyik'i, ka' netuji' in he'yeku'mi' tokoi qe qa hekaxik'uifk'i ha' sehe' Egipto. Qa in nite'le yaqsi-ijkii kakha' hi'ttaxij qu' naqsiijkii, ma' qa yakha' qa' he'nitonjiimetsek, yit'ij ha'ne Yatsat'ax'inij.

¹⁰ Qa aka' ink'ayik wenit'ij qu' haqsiimijkii hatse' nekhewe' Israel leitets qu' nanaxtaxijik'i pe' leqe netuts kakha' yojo in we'nika'ajji' wenit'ij, qa' henji'teje'm pe' taqjamtikineyejeikii qa hika'ajji' iye pe' latawjets. Yakha' qu' leqe Diose'yij qa enewe'en qa' yitset'i'ij.*

¹¹ Qa' hame' pa'qu' nijatshentaxij pe'qu' tetsetifetse', i'nti'i pa'qu' lejefeeyi'ija, qu' nittaxijets: 'les le'wis qu' enikfe'lets pa' Yatsat'ax'inij,' qe week qu' hats nenikfe'l yiwets hatse', pekhewe' mente' qits qa' namijii pekhewe' lawa'mhits." (Jer 31:31-34)*

¹² "Yakha' qu' nesq'eletij qa' hiwu'm pe' tewul'ets, qa nite' t'anuuuyi'i iye qu' hijamti'ik'i pe'qu' tewul'etse'."—(Is 43:25)*

¹³ Pa' Intata in nifel qu' naqsiijkii pa' ink'ayik wenit'ij qu' jintaqsiijkii, qe hats nite' weju'lij qa lawa'ma'x iye kakha' hayiits wenit'ij qu' jintaqsi-ijkii. Qa na'aj hats lawa'ma'x qa hats nite' weju'lij,

* **8:10** Zac 8:8; 2Co 3:3; He 10:16 * **8:11** Is 54:13; Jn 6:45; 1Jn 2:27

* **8:12** Jer 31:31-34; Ro 11:27; He 10:17

qa hats sujle qu' hame'.*

9

Nifel pe' yojo in witlijsitjii inqa'met t'ajits.

¹ Kakha' yojo in wenit'ij qu' jintaqsiijkii, na'ltaxi'm kekhewe' tajayanhetiyij in t'ejuyets qu' ji'niyini pa' Intata qa in t'ejuyets pekhe' witlijsitjii pa'aj ha'ne sehe' ipji' inqa'met t'ajits.

² Qe pa' yojo latawe'j pe' wilititsitjii inqa'met t'ajits (tabernáculo), na'l pe' ewi't hii candelabro, we'nenji' pe' wetsjuk tatsai (7) lefetitjijits hik lunyejei velas, qa pa' mesa i'nipji' pe' le'sits pan (sagrados). Hane'en hii pa'aj le'wis wilitset.*

³ Qa pa' foletsji' iye latawe'j pa' te'weiteje'm lejilafi' qa hii lees in le'wisija wilitset,*

⁴ qa hikpa' qa i'ni' ek pekhe' tik'eyi' pa' oro, yejut-shenets in ne'tju' na'aj ewjisii lopok na'aj najkak lits'i (incienco) qa pe' ti'najki' tik'eyi' iye pa' oro hii lejiiki' pe' we'nika'ajji' pa'aj wenit'ij qu' jintaqsiijkii (leyes/pacto), qa i'nji' iye pe' kamusi yaqamax pa' oro i'nji' pe' tenekui pa'aj maná, qa pa' lawaikajit pa' Aaron'ik'i, hik pakha' ta'tji' pa'aj pe' lesejets, qa pe' k'ewen utel we'nika'aji' pa'aj kekhewe' wenit'ij qu' jintaqsiijkii.*

⁵ Qa i'nipji' pekhe'en pekhewe' wetsjuk wite-qsi'nq'alits lesi'nq'alits pekhewe' le'sits (gloriosos) pakha' lunyejei leqjetinenhei pa' Intata hiyits querubines, qa pe' lefets qa yit'onijipji' pa' lit'o pe'

* **8:13** 2Co 5:17 * **9:2** Ex 25:8-9,23-39; 26:1; Lv 24:5-8 * **9:3** Ex 26:31-33; 40:3 * **9:4** Ex 16:33; 25:10,16; 30:1-5; Nm 17:10; Dt 10:2

ti'najki'. Qa ha'neli'ij enewe'en nite' leke' qu' jintafaakateji' pa' lunyejei.*

⁶ In hats hik aka' lunyejeiju' eke' wekwek, ma' qa pe' pa'il qa hats uijeetsjikii pakha' te'nweifik'i latawe'j pe' wilitisitjii inqa'met l'ajits (tabernáculo), qe qa' naqsiiikii pa' yithayinenij pa' Intata.*

⁷ Qa pakha'le te'weiteje'm latawe'j pe' wilitisitjii inqa'met l'ajits (tabernáculo), qa ewi'He in uyetsji' na'aj qiji' pa'i ewi'Hi'ij week iningapits, qa nite' leke' qu'nte' neteyi'ijeteje'm ne'ej inqa'met l'athits, hats'inha qu' nijaninij pe' lewu'etsle qa pe' lewu'ets pa' witset nite' nikfe'lets in u'ets in yaqsi'jikkii.*

⁸ Pa' Espíritu Santo qa jiyikfelitetsha, in mexe na'l pa'aj pa' te'nweifik'i latawe'j pe' wilitisitjii inqa'met l'ajits (tabernáculo), qa ikji' in mexente' te'wenhetii pa' wit'ikheyi'j yamii pa' le'wisija wilitset.*

⁹ Week ekewe'en t'ejuile'ets in wetjeyumtsheni-jupi' ha'ne hane'ej lahats'ij, qe nite' leke' qu' naqsi'jtaxju' pa' yoksi'wen pekhewe' mexe yijayanij aka'an in tisji'ijtaxij pe'ye' pa' Intata qa in yilantaxifi iye ne'ej inqa'metetsik'i.*

¹⁰ Qe ekewe'en ewi'He in nifel in t'ejuyets na'aj inaq, na'aj ji'ya'ji' qa qu' jinewetli'jijju' iye pa'qu' nam inij, qa ekewe'en in na'l qa yamijii in hats wenink'aihitik'i ke' wekwek.*

Pe' l'athiitsija hikpe' yijaninij pe' inwu'ets.

¹¹ Qa ha' Cristo qa hats nam, qa qiji' in pa'i ipji' ekewe' le'sits wekwek mexe hamitsik'ui

* **9:5** Ex 25:18-19; Lv 16:2 * **9:6** Nm 28:3 * **9:7** Ex 30:10; Lv

16:15,34; He 5:3 * **9:8** Jn 14:6; He 10:19-20 * **9:9** He 5:1; 7:19

* **9:10** Lv 11:2-3; Col 2:16

pa'aj, pekhe' pa'i ipji' witlijsitjii inqa'met l'ajits (tabernáculo) hik pekhe' pe' les qi in le'wiisija na' wa'sji'pha'm, qa nite' ene' jukhew qu' naqsiijkii, ikji', nite' ta'lets ha'ne week in wanaqsiijkii pa'aj.*

12 Qa in uyetsji' qa nite' pe'qu' l'athitse' na'aj kots'eteika', qa nite' iye pe'qu' l'athitse' na'aj wakka (toro) qu' nuyijetsji', qe pe' l'athiitsija yijat'ij in hikpe' uyijetsji', qa hats ewi'Hi'ij nite' leke' qu' niyeket iye in hats yijanin pe' inwul'ets.*

13 Qe ne'ej l'athits ne'ej kots'eteikalik'i, ne'ej wakkalik'i (toros) qa na'aj l'olo ne'ej wakka'ak'i, wetfulutipji' ne'ej mexe hik lunyejei qu' netjilii, ekewe'en ewi'He in nili'jju' ha'ne i'nese'n.*

14 Qa pekhewe'le l'athits ha' Cristo qa' les qu' qiye' pa'qu' naqsiijkii, hikha' in ta'lets pa' nite' yili'ij Espíritu qa wetlisi'ij pa'aj ham pa'qu' ul'axe'ji' in wetlisij pa' Intata, pe' l'athits qa jiyilijiju' yijat'ij pekhewe' weekij pa' intawe'j in jitaqsi'jtaxijkii hikpe' jiyeka'xletaxii pa' witwamhi', qe qa' ji'nt'ithayiyi'm pa' nite' wa'm Dios.*

15 Qa hik ta'lijupi', in lakha' ewi'He in ta'lets in jiyamets kakha' ink'ayik wenit'ij, hats'inha in wa'm qe qa' niwuumija pe' lewul'etstax pa'aj pekhewe' yaqsi'jijkiiha kakha' yojo in wenit'ij qu' jintaqsiijkii, ma' qa lekhewel in teniya'yijji' qa' leke'ye' qu' netesti'yij pa'qu' natsat'etsijek hatse' nite' yili'ij pakha' hats yiwjutsiqen ine'm pa'aj pa'

* **9:11** He 2:17; 8:2; 10:1 * **9:12** Dn 9:24; He 7:27; 10:4 * **9:13**
 Lv 16:14-15; Nm 19:2,9,17-18 * **9:14** 1P 3:18; 1Jn 1:7; Tit 2:14; He 6:1; 10:2,22

Intata.*

¹⁶ Qe na'aj t'ejuyets witfaakanek qu' nawatk'esaxijju' pe'qu' natsat'etsij (testamento), qu' les le'wise' qu' net'un qa' les le'wis qu' nawa'm pakha' yaqsiijkii.

¹⁷ Qe na'aj t'ejuyets witfaakanek qu' nawatk'esaxijju' pe'qu' natsat'etsij ewi'He in weju'lij in hats wa'm na'aj yaqsiijkii, qa nite' leke' qu' net'un in mexe ila'x na'aj yaqsiijkii.

¹⁸ Qa hik ta'lijupi' iye, kakha' yojo in wentit'ij qu' jintaqsiijkii, in i'nk'aa'ija pa'aj qhofij qa nite' hamijup iye pe'qu' wit'athitse'.

¹⁹ Qe pa' Moisés in hats yili'ij in week yiyi-nenimik'i pa' witset pe' wentit'ij ta'lets pa' ley, ma' qa t'eku'mi' pe' l'athits pe' wakkalik'i qa pe' kots'eteikalik'i, yetsjilkinij pa' iweli', qa t'eku'mi' iye pe' lana qa yetsjilkinij pe' q'ilimmik'i lesejets liyits hisopo, qa yilke'ej ji'ju' qa yit'ij tshxil tshxil in yetsilelipji' pa' witfaakanek qa i'nk'ale pe' week pa' witset.*

²⁰ Qa yit'ij: —*Enewe'en wit'athits t'ejuyets qu' t'une' pa' yiwjutsiqen pa' Dios qu' haqsiiłjkii.*— (Ex 24:8)*

²¹ Qa hik leqfenye'lij iye in yitshxil tshxilinetikii pe' witlijtsitjii inqa'met l'ajits (tabernáculo) qa week iye pekhewe' wekwek pe' witlijtsitjiyifi.*

²² Qe ka' ley yit'ijets in yaqaamij qu' weeke' qu' netetlijijju' pe'qu' wit'athitse', qa in ham pa'qu' nawa'mifi qu' net'ilitik'i pe'qu' l'athitse', qa nite'

* **9:15** 1Ti 2:5; Jer 31:31-34; 1Co 11:25; 2Co 3:6; He 4:1; 7:22; 8:6,8; 12:24; 13:20; Gn 12:7; Ro 3:25; 5:6; 8:28; Ga 3:19 * **9:19** Ex 24:6-8; Lv 17:11 * **9:20** Mt 26:28 * **9:21** Ex 29:12; Lv 8:15

jeek leke' qu' netwumhiti'yik'ui pe' lewu'ets.*

²³ Qa hik ta'lijupi' in les le'wis qu' inqa'metetse'le pe'qu' natlanhetiyifi qu' net'ejuyets hekhewe' tejehtiihi'ijupi' pe' wa'sji', qa pekhewe'le yijaalija wekwek na' wa'sji' qa les le'wis pa'qu' natlanhetiyifi qu' les le'wise' qu' nite' hik lunyejeje' pe' inqa'metetsle.*

²⁴ Ha' Cristo nite' uyetsji' pakha' te'weiteje'm pe' witlitsitjii hii wtitset lees in le'wiisija (lugar santísimo) laqsiyikhi'ijkii ene' jukhew, hikpa' tejehtiihi'ijupi' pa' yijaa'ija, qe uyetsji' yijat'ij pakha' i'ni' na' wa'sji', pakha' iini'ha pa' Intata qe qa' niyetji'ij'inipji'.*

²⁵ Qa nite'le qu' olotsi'ij qu' newetlisi'ij, qu' hik lunye'je' na'aj qiji' pa'i in week ininqapits uyetsji' pakha' hii wtitset lees in le'wiisija qa teijiiijeje'm ne'ej wit'athits nite' yatsat'etstaxij.*

²⁶ Qe qu' hik aka' lunye'je' ha' Cristo, qekha les le'wistax qek olotsi'ij qek nawa'm, qu' nata'lijii in i'nk'aa pa'aj ha'ne sehe'. Qa ewi'Hi'ij in yaqsi-ijkii aka'an enewe' teke'lenju' lahatsiyij, ma' qa we'nethinkii qe qa' niwu'm pe' inwu'ets qu' newetlisi'ij lawamhi'ye'.*

²⁷ In lunye'jek ka' hats we'neni' qu' lunye'je'kii ene' jukhew qa efuts iye in ewi'Hi'ij in wa'm qa pa' teke'lenju' qa wetjeyumtshen.*

²⁸ Qa hik lunye'j ha' Cristo in ewi'Hi'ij nite' yiyeket iye in wetlisi'ij in wa'm qe qa' neka'x pe' lewu'ets pe' olots, qa qu' netpiltaxju' iye qa hatsle nite'

* 9:22 Lv 17:11 * 9:23 He 8:5 * 9:24 Ro 8:34; He 7:25; 8:2

* 9:25 He 9:7; 10:19 * 9:26 Mt 24:3; 28:20; 1Co 10:11; He 4:3;

7:27 * 9:27 Gn 3:19; 2Co 5:10

qu' net'ejuyets pe' witwul'ets, qe qa' ni'in yijat'ij pekhewe' hats notki'ik'ui.*

10

Pa' hayiits ley nite' weju'tij qu' niwu'm pe' inwul'ets.

¹ Qe kakha' ley lesinq'alte leq'eneleya'x kekhewe' le'sits wekwek mexe hamitsik'ui pa'aj hik kekhewe' pe' yijaalija. Qa hik ta'lijupi' kakha' ley in nite' leke' qu' ni'sinhettax pekhewe' iktaxets pa' Intata qa ininqapits in iktaxijje'm qa kakha' hatsle lunye'j in yilanji'ijtaxifi pe' inqa'metets.*

² Qe qek yijaayi'ija qek nenli'jju' kakha' ley, qekha hats nihaminhettaxiikii in yitawje'metem pe' lewul'ets, ma' qekha hats nilitaxij in yilan na'aj inqa'met.

³ Qa week ininqapits in yaqsiiikii in yilanji'ij pe' inqa'metets qe qa' net'ejuyets pe' lewul'ets.

⁴ Qe nite' weju'tij pe'qu' l'athitse' na'aj wakka qa na'aj kots'eteika' qu' niwu'm pe' inwul'ets.

⁵ Qa hik ta'lijupi' in i'nk'aa uiji'teje'm ha'ne sehe' ha' Cristo qa yit'ijets pa' Intata: *—Nite' tisu'un pe' talanhetijji'ijtax efi inqa'metets qa pe' testijji'ijtax ej iye (ofrendas), qa hatsle tajilet ye'm pa' yese'n.**

⁶ *Pe' talanhetii efi inqa'metetsik'i na'aj week tene'tju' qa na'aj nite' week qu' netene'tju' qu' net'ejuyets pe' witwul'ets, enewe'en nite' tiweju'tenij.*

⁷ *Ma' qa hik ta'lijupi' in hit'ijets iye: “Ha'ne qe ha'ni'in qu' haqsiiikii pa' tisu'un akha', Dios,” in*

* **9:28** Is 53:12; 1P 2:24; Mr 8:38; Mt 26:28; 1Ts 4:16; 1Co 1:7; Tit 2:13

* **10:1** Col 2:17; He 8:5; 9:11 * **10:5** Jer 36:2; He 1:6

t'anye'jek kakha' t'ejui yiwets we'nika'ajji' na' wit-faakanek.— (Sal 40:6-8)

⁸ Kakha' yojo iku'uj in yit'ij, ha' Cristo in yit'ij pa'aj: —*Nite' lisu'un pe' talanhetiiji'ijtax efi inqa'metets qa pe' testiiji'ijtax ej iye (ofrendas), qa pe' talanhetii efi inqa'metetsik'i na'aj week tene'tju' qa na'aj nite' week qu' netene'tju' qu' net'ejuyets pe' witwul'ets, week ekewe'en nite' ne'sinheti'mkii.—(Sal 40:6)* Qa ekewe'en qa hik ekewe' t'anye'jtax kakha' ley.*

⁹ Ma' qa yit'ij iye: —*Ha'ne qe ha'ni'in qu' haqsiijkii pa' lisu'un.— (Sal 40:7)* Qa ikji' qu' hats nenit'ijji' pakha' yojo lenifeny'e'jtax qu' netwu'mhiti ink'ui pe' inwul'ets, ma' qa' nuihinteje'm pa' ink'ayik.

¹⁰ Qa in ta'lets pa' yisu'un pa' Intata ma' qa hats jitetli'jju' qe ta'lets pa' l'ese'n ha' Cristo in wetlisti'ij qa hats ewi'Hi'ij nite' l'anuu'yi'i qu' niyeket iye.*

¹¹ Week na'aj pa'i neluts ikijje'm in nite' i'nju', yithayiki qa kakha' hatsle lunye'j in yilanjiifi ne'ej inqa'metets qa in yaqsiijkii qa olotsij, yemjeetax ekewe'en nite' leke'tax qu' niwu'm ink'ui pe' inwul'ets.*

¹² Qa pakha'le Jesucristo wetlisti'ij pa' Intata qu' nawa'mifi pe' inwul'ets qa hats ewi'He qa' hame' iye pakhape', ma' qa hats i'niju' pa' yiya'yiki' pa' Intata. *(Sal 110:1)**

¹³ Qa hik pakha'a' qa notki'ets qu' hats namets in yit'ij: —*Iptu'ui qu' week not'otsipji'kii qu' nanaxij pe'*

* **10:8** Mr 12:33; He 10:5-6

* **10:10** Jn 17:19; He 7:27; 9:12

* **10:11** Nm 28:3; He 5:1

* **10:12** Ro 8:34; Ef 1:20; Col 3:1; He

1:3; 8:1; 12:2; 1P 3:22

t'ejuihifets.—

*(Sal 110:1)**

14 Qe in wetlîshî'ij in wa'm infi qa hats ewi'Hi'ij iye, ma' qa ta'lets in hats nilii'ju'ha qa' pakhaaye'hi'ij qu' le'sitse' pekhewe' hats t'eku'miiji'.

15 Pa' Espîritu Santo nifel ine'm iye aka'an in yit'ij:

16 —*Pa' Yatsat'ax'inij yit'ij: “Aka'an kakha' hiwjut-siqen qu' haqsiiijkii hatse' nekhewe'en qu' hats t'aka'the' ye'le ha'ne hane'ej tahats'ij. Qa' henji'teje'm pe' tatawjets ekewe' qu' hit'ij qu' naqsiiijkii qa hika'ajji' iye pe' laqamtikineyejeikii.”**

17 Qa yit'ij iye: *“qa nite' t'anuu'yi' iye qu' hijamti'ik'i pe'qu' tewu'etse'.”—*

(Jer 31:33-34)

18 Qa hik ta'hijupi', in hats tewu'mhitii ink'ui ekewe'en ma' qa hats nite' hamik'ui pa'qu' jintalantaxifi inqa'met pa' Intata qu' net'ejuyets pe' inwu'ets.

Pa' wit'ikheyi'j ink'ayik qa ila'x iye.

19 Qa hik ta'hijupi' yejefets, in ta'lets pe' l'athits ha' Jesús ma' qa hats ham peeyi'ijkii hats ji'kesimentî'ijkii qu' ji'nuyetsji' pakha' hii wititset lees in le'wiisija*

20 qe ta'lets pa' wit'ikheyi'j ink'ayik qa ila'x iye yiqhofinhetii hakha'an qe in hats qhofii pa' lejilafi' pe' witlijtsitjii ikji' in hats wetlîshî'ij pa' l'ese'n qa wa'm infi,*

21 qa na'l iye hakha' inqa pa'i les in qiji' pekhe' letsii'ii pa' Intata.*

* **10:13** Lc 20:43; 1Co 15:25; He 1:13 * **10:16** He 8:10,12 * **10:19** Ef 2:18; He 9:25 * **10:20** Jn 10:9; He 9:3,8 * **10:21** He 2:17; 4:14

22 Qa hik ta'lijupi', jineketsa pa' Intata qa' yi-jaali'ija pe' intawjets qu' weeki'ijha qu' jinenekets, qa pa' nite' inqekuyejeyij qa' yijaale' ine'mha iye, qe hats jitetli'jijju' in jiyitawjemetentax pe' inwul'ets qa ha'ne i'naj qa hats wempuli'jji' pa' le'wisji' iweli'.*

23 Jiwatjanithenij qu' nite' jinteliyi'ij in nite' jite-geku'uk'i pa' inwetjuntikineyejeyik'ui, qe pa' Intata nite' yaqanlekii yaqsiijkii hatse' pa' hats yiwjutsiqen.*

24 Jiweteni'fenij wetju't qu' jinowo'oikii pa'n lunye'j qu' les jinewe'tsu'un qa qu' jintaqsiijkii pa' le'wis.

25 Hasu'uj qu' ewi'li'ik'i qu'nte' jinanami'ii qa jinot'axji'ij wetju't, in lunyejeyek pe' uja'x in hats amaneyijkii, jinamii yijat'ij hats'inha qu' jinatkaklinjij wetju't, qe les le'wis qu' jinatkaklinij in hats jite'wen in hats met pa' netuji'.*

¿Me pa' Cristo qu' ijayan, me i'nli'i pa' qi lawak pa' Intata?

26 Qe qu' nite' jinteliyi'ij in jitesu'unle in jitaqsi-ijkii pa' ul'ax in hats jinikfe'ltaxets pa' yijaa'ija, ma' qa hats ham pakhape' iye qu' nawa'mifi pe' inwul'ets,*

27 qa hats ewi'He pa' jit'otki'ets pakha'an pa' ul'axija qa iftsaxji' iye qu' newetjeyumtshentax, qa pa' l'elej iye *pa' fe't qa' netuj pe' l'ejuihifets. (Is 26:11)**

28 Kekhewe' yika' pa'aj pa' Moises'ik'i (ley) na'aj nite' tek'enets qa t'otsipji'kii, ma' qa ham pa'qu'

* 10:22 Ez 36:25; He 9:14 * 10:23 1Co 1:9; He 3:6 * 10:25 Hch 2:42; Ro 13:11; He 3:13 * 10:26 Nm 15:30; Dt 17:12; He 6:4; 2P 2:20-21; 1Jn 5:16 * 10:27 Sof 1:18; 2Ts 1:8

ne'nq'eletij in talanhetii in wetsjuk i'nli'i qu' wet-shetk'ewi'le' pe'qu' nenfelijkii.*

²⁹ ¿Qa pa'n lumti'il qu' luk'eye' qu' les qiye' pa'qu' lantanithenkeye'je' pakha' qu'nte' netk'ene'ets qa t'otstaxipjikii iye ha' la's pa' Dios, qa yuten pe' l'athits hik pekhewe' yit'unhet pa' ink'ayik wenit'ij qa hik pekhewe' iye hats nili'jtaxju', qa ul'etsik'i le'lijeyij pakha' Espíritu eqi'fenkena'x?*

³⁰ Jinikfe'lets pa' Intata in yit'ij: —*Yakha' qu' haiqa'tjai. Yakha' qu' hijanin.*— (Dt 32:35) Qa yit'ij iye: —*Pa' Yatsat'ax'inij qa' nitanithen na' letsettax.*— (Dt 32:36)*

³¹ Ul'axija qa iftsax qu' jinitanithen pa' nite' wa'm Dios.*

³² Ijamti'ilik'i kekhwep nelutsik'i, ekhweli'l in i'nk'a l'estiyij pa' na'lkii, qa qi in l'ejuyijiju'l pekhewe' a'tits enifenyeyei'lkii, qa nite'le yeqeni-jani'l ej.*

³³ Qe i'nli'i qe l'ethinhetiyi'lij ne'ej week in ul'etsik'i ne'ej wenit'ij ewetskii qa qe ul'ax iye na'aj enifenyeyei'l, qa i'nli'i qe li'feni'l ne'ej hik lenifenyeyei iye pa' enifenyeyei'l,*

³⁴ qa le'nq'eletij iye ne'ej t'ophehitijju', qa in l'itkamhitiitaxi'lij ne'ej lantsat'etstaxilij qa e'le'sitsh'i'ihimkii, qe lenikfe'li'lets in hats na'li'l e'm na' wa'sji' pekhewe' les in le'sits qa les iye in t'units wiikfik'i lantsat'etsi'lij.*

³⁵ Qa hik ta'lijupi' in nite' leqeku'ul, qe hik aka' qu'

* **10:28** Dt 17:6; He 2:2 * **10:29** Mt 12:31-32; Ef 4:30; He 6:6

* **10:30** Sal 135:14; Ro 12:19 * **10:31** Mt 16:16; Lc 12:5 * **10:32**

Fil 1:29-30; He 6:4 * **10:33** 1Co 4:9; Fil 4:14; 1Ts 2:14 * **10:34**

Mt 5:12; 2Ti 1:16; 1P 1:4-5

nata'lets pa'qu' qi enisit'i'il hatse'.*

³⁶ Qe les le'wis qu'nte' itaqsuni'ilijup, hats'inha qu' aqsiiljkii pa' yisu'un pa' Intata, qa' esti'yi'hij pa' hats yiwjutsiqen pa'aj.*

³⁷ Qe hats nite' toxik'ui pa' lahats'ij, *pakha' nam hatse', aje'et qu' nanam.* (Hab 2:3)*

³⁸ Qa yi'thi'ij iye *pakha' qu' natsathen qu' ila'xe' ta'lets qu' nite' nesqekuye', qa qu' netetwek'ela'xleyik'ui, ma' qa nite' teke' qu' le'wise' ye'm.* (Hab 2:4)

³⁹ Qa nite'le inekhewel pekhewe' tetwek'ela'xets pa' lewu'eye'jju', qe inekhewel yijat'ij pekhewe' hats yamets pa' witi'hijii qe nite' jiteqeku'.

11

Pa'n tunye'j in nite' jiteqeku'.

¹ Ma' hayits, pa' nite' inqekuye'j in na'l ma' qa hats jutsiqax in jintesti'yij hatse' pekhewe' hats jit'otki'ik'ui, qa hats yam'inijju'ha iye in nite' jiteqeku'uk'i in yijaa'ija in na'l pekhewe' mexe nite' jite'wen.*

² Hik pakha' iye pa' nite' witqekuye'j pe' inaqwa'mhitsik'i in na'li'm qa pa' Intata qa yi'sinhetij.

³ Pa' nite' inqekuye'j hikpa' ta'lets in jinikfe'lets pa' Intata in yi'thi'ij ma' qa na'l ha'ne week, qa hik ta'hijupi' enewe' hane'ej jite'wen in wanaqsiijkii pa'aj ta'lets pekhewe' wekwek nite' jite'wen.*

* **10:35** He 2:2; 11:26 * **10:36** Lc 21:19; He 12:1 * **10:37** Is 26:20; Lc 18:8; Ro 1:17; Ga 3:11; Ap 22:20 * **11:1** Ro 8:24; 2Co 4:18
* **11:3** Gn 1:1; Jn 1:3; 2P 3:5

⁴ Pa' nite' leqekuye'j pa' Abel in ta'lets, qa le'wis pa' leqisit'ij pa' Intata qe yilan pa' kots'etaxik'i qa nite' hik lunyejei pe' tistaxij pa' Caín, qa hik ta'hijupi' pa' Intata in yit'ijets yatsathen pa' Abel ma' qa t'eku'mijiju'l pa' leqisit'ij. Pa' Abel in hats wa'mtax, qa hikle lunye'j qu' mexe niyet qe ta'lets pa' nite' leqekuye'j.*

⁵ Pa' nite' leqekuye'j pa' Enoc in ta'lets, qa wetka'xetspha'm na' wa's in mexe nite' wa'mtax hats'inha qa' nite' nawa'me' ha'ne sehe' ipji', *qa ham yi'wene' pa'aj qe pa' Intata hats yeka'xpha'm. (Gn 5:24)* Qa yit'ij ke' we'nika'ajji', in mexe nite' wetkaxpha'm, pa' Intata yisu'unija pa' lunye'j pa' Enoc.*

⁶ Qa qu' hame'le pa'qu' nite' inqekuye'ji'ij, nite' leke' qu' ni'sinheti'mkii pa' Intata, qe les le'wis pakha' qu' nisu'un qu' meti'im pa' Intata qa' hasu'uj neqeku'uk'i in na'l pakha'an, qa' hasu'uj neqeku'uk'i iye in tis pekhewe' wo'oi.

⁷ Pa' nite' leqekuye'j pa' Noé in ta'lets, pa' Intata in nifeli'm qu' lunye'je'kii pakha' qu' mente' ne'twenheti'ye', pa' Noé qa qi in tek'enetsha pa'aj qa yaqsiijkii pe' qi tokoyei qe qa' le'sitseju' pe' lewhe'ye' qa pe' lelits qa pe' lewheyetsle pe' lelits. Pakha' nite' leqekuye'j pa' Noé hikpa' ta'lets in ul'etsju' pa'aj pekhewe' sehe' ipji', qa hik aka' lunye'j pa' Noé in testi'yij qa yatsathen qe ta'lets in nite' yeqeku'.*

⁸ Pa' nite' leqekuye'j pa' Abraham in ta'lets, qa pa' Intata in taya'yijji' qa tek'eenetsha qa ik qu' namii

* **11:4** Gn 4:4; 1Jn 3:12 * **11:5** Gn 5:21-23; 2R 2:11 * **11:7** Gn 6:13-22; 1P 3:20

pakha' hats yiwjutsiqeni'mii qu' netisij qa' nat-sat'axij. Qa in ik, qa nite' nikfe'lets pa'n t'ejuuji'.*

⁹ Qa pa' nite' leqekuye'j in ta'lets, qa' hik lunye'j na'aj tujtseika' ta'ji' in i'ni'kii pa' sehe' yiwjutsiqeni'm pa'aj pa' Intata. Qa i'nifi pekhewe' qooxol, qa hik aka' lunye'j iye pa'aj pa' la's Isaac qa pa' Jacob iye la'sek pa' Isaac, hik pekhewe' iye pa'aj tisij aka' yiwjutsiqen.*

¹⁰ Qe pa' Abraham notkitaxets qu' namii pakha' witset na'li'm pe' te'weyik'uiju' yijanit'ets, qa pakha' yaqsiiikii pa' lunyeju' qa hikpa' iye nihih-pha'm, pakha'an hikpa' pa' Intata.*

¹¹ Qa in ta'lets iye pakha' nite' witqekuye'j, pe' Sara qa testi'yij pa' let'unha'xijup in iwkajitshen pa'aj, yemjeetax in hats lawa'mhitax, qe nite' yegeku' pakha' yiwjutsiqeni'm aka'an.*

¹² Qa hik ta'hijupi', pa' Abraham in hats nite' leke'tax qu' nana'l la'se' qe hats lawa'ma'x, pakha'an qa ta'He'ets *pe' olootsija in lunyejeyek ne' footekii i'ni' na' wa's, qa hik lunyejei iye na'aj isa'x totkoyek'i na'aj qi iweli' in nite' leke' qu' jintejeyumtshentax.* (Gn 22:17)*

¹³ Week enewe'en wa'mlejiik'uiha pa' nite' leqekuyejei, qa nite' testiitaxij pe' wekwek yiwjutsiqen pa' Intata. Qa le'sitsli'imkii in yejelii pakha' mexe toxii, qa tetfelij iye in lekhwel hik lunyejei qu' jukhewiika'le' ha'ne sehe' epji' qa qu' tujtseika' nata'hik'uiji' iye ha'ne sehe' epji'.*

* **11:8** Gn 12:1-4,7; Hch 7:2-4 * **11:9** Gn 12:8; 18:1; Hch 7:5; He 6:17 * **11:10** He 12:22; 13:14; Ap 21:2,10,14 * **11:11** Gn 17:19; 18:11-14; 21:2 * **11:12** Ro 4:19 * **11:13** Mt 13:17; Jn 8:56; He 11:39; Gn 23:4; 1Cr 29:15; Sal 39:12; 1P 1:17

14 Qa pekhewe'en in yit'ij aka'an qa yeqet'aaxik'iha in tetfeltaxij in wo'oikii pa'qu' letseet'i'ija.

15 Qa qek nijamti'iikii qu' napilii pakha' hats ta'li'kii, qekha hats napiltaxii iye.

16 Qa yisu'unte pa'qu' letseet'i'ija les le'wis, ikji', pa'qu' letseet'i'ija na' wa'sji'. Qa hik ta'lijupi', pa' Intata in nite' wepinij in yit'ij letets in leqe Dios pekhewe'en, ma' qa hats yajileti'm pa' letset.*

17 Qa pa' nite' leqekuye'j pa' Abraham in ta'lets, pa' Intata in yijaajin, pa' Abraham qa t'eku'mi' pa' Isaac qu' nilan qa' netisij. Pa' Abraham in tistaxij pa' Intata pa' yiwjutsiqen, la'mek qa t'ihintaxij qa yilantax pa' ewi'Hi'i' in la's.*

18 Qa ha'ne Abraham qa hik ha'ne pa' Intata yit'ijets pa'aj: —*Na' Isaac hikna' qu' nata'lets pakha' ta'lewets hatse'.*— (Gn 21:12)*

19 Pa' Abraham nikfe'lets pa' Intata in na'li'm pa' let'unha'xijup qu' nilin pe' hats naxtaxju'. Qa hik ta'lijupi' pa' Abraham in hik lunye'j qu' hats ni'wen iye pa' la's qu' hik lunye'je' qu' hats nawa'mtax, qa aka'an qa hik aka' wenit'iji' in wetjeyumtsheni-jupi' in ila'x iye pa'qu' hats nawa'mtax.*

20 Qa pa' nite' leqekuye'j pa' Isaac in ta'lets, qa iyinipji' pa' Jacob qa pa' Esaú qu' net'ejuyets pa' mexe hamik'ui.*

21 Qa pa' nite' leqekuye'j pa' Jacob in ta'lets in hats niwamhiyu', qa iyinipji' pekhewe' letits pa' José, qu' net'ejuyets pa' mexe hamik'ui, qa in iyin qa

* 11:16 Ex 3:6,15; Mr 8:38; 2Ti 4:18; He 13:14 * 11:17 Gn 22:1-10;

Stg 2:21 * 11:18 Ro 9:7 * 11:19 Ro 4:18 * 11:20 Gn 25:25; 27:26-40

totjoyipji' pa' lawaikajit.*

²² Qa pa' nite' leqekuye'j pa' José in ta'lets in hats niwamhiyu' pa'aj, qa nifeli'm pa'qu' neŋuyeji' qu' nakik'uifik'i pe' Israel pa' sehe' Egipto, ma' qa nifeli'm pa'qu' leqfenyejeji'ij hatse' pe' lenutsik'i.*

²³ Qa pa' nite' leqekuye'j pe' l'alhei pa' Moisés in ta'lets, in i'nk'a nekfik'i pa'aj pa' Moisés, in yi'wen in le'wis, qa yat'inkii pa'aj yamijets wetshetk'ewi'ŋ juwelits, qa nite' nijiweyik'i in inaŋyaji'ij pa' wit-tata qu' natlanhetiiju' week na'aj i'nk'a nekfik'i qu' jukhewe'.*

²⁴ Qa pa' nite' leqekuye'j pa' Moisés in ta'lets, in hats ajit pa'aj, qa nite' yisu'un qu' la'si'ij pe' lasi' pa' Faraón.*

²⁵ Pa' Moisés yejeŋji' qa t'eku'mi' qu' weeki'ŋ qu' natawitjaxtiyi'ŋ pe' Israel lelets hik pekhewe' letset pa' Intata, qa t'anuyi' pekhewe' te'su'unhetiiji' qa yi'sinheti'mkii nite' yape ta'lets pa' u'ax.

²⁶ Qe les in yaftsin yijat'ij in yumti qu' les le'wise' wiikfik'i pa'qu' nata'lets in jitaats'e'ej pe'ye' qu' nata'lets ha' Cristo qa t'anipji' pe' Egipto lewekwekits, qe lakha' hats yejeŋii pakha' qu' netisij hatse' pa' Intata.*

²⁷ Qa pa' nite' leqekuye'j pa' Moisés in ta'lets, in ikik'uifik'i pa' sehe' Egipto, pa' lawak pa' wit-tata nite' nijiweyiju'ŋ, qe nite' yaŋamij pakha' hats yumti qa hik lunye'j qu' ni'wen pakha' nite' jite'wen Dios.*

* **11:21** Gn 47:31; 48:1,5,16,20 * **11:22** Gn 50:24-25; Ex 13:19

* **11:23** Ex 1:16,22; 2:2 * **11:24** Ex 2:10-11; Sal 84:10 * **11:26**

He 10:35; 13:13 * **11:27** Ro 1:20; Col 1:15-16; 1Ti 1:17

²⁸ Qa pa' nite' leqekuye'j pa' Moisés in ta'lets, qa yaqsiijkii kakha' hii Pascua qa yetsilehijkii pe' wit'athits pe' lekuwelii pe' leqejil, hats'inha pakha' ángel yílan na'aj ajit ne'ej witlits qa' nite' net'ekume'ets pekhewe'en.

²⁹ Pakha' nite' leqekuyejei in ta'lets, qa iketsteje'm pa' lajaika' pa' qi iweli' hii Rojo qa in ikteje'mkii qa hik lunye'j na'aj yis'ax sehe'. Qa pe' Egipto lelets in yijawejtaxteje'm, qa week uikii pa'aj.*

³⁰ Pa' nite' leqekuyejei pe' Israel in ta'lets, qa jufufju' pa' qi lejilafi' pa' witset Jericó. Jufufju' pa'aj in hats yamijets wetsjuk tatsai (7) neluts in ikijje'm in tef'eyeikiyijupkii.

³¹ Pakha' nite' leqekuye'j pe' ewi't natkinkii pe' jukhew hii Rahab in ta'lets, qa nite' i'nji'teje'm pe' naxju' pa'aj nite' tek'en, qe pekhe'en neqjunu'uju't qa yi'fen pekhewe' Israel lelets yituwelkii pa' witset.*

³² ¿Pa'n hii pa'qu' henfel iye? Qa hatsle nite' weju'hij pa' nelu qu' henfelik'i pa' Gedeón, pa' Barac, pa' Sansón, pa' Jefté, pa' David, pa' Samuel, qa pekhewep profetas.*

³³ Pakha' nite' leqekuyejei pekhewe'en in ta'lets, qa yamitju' pe' witsetits, yaqsiijkii pa' yatsathen, tisji'jij pa' Intata pa'qu' niwjutsiqen, yit'onik'i lejil pe' athilets,*

³⁴ ham lunyejeyi'ijkii pa' l'elej pa' fe't, nite' yif'eli' ik'uiju' pa' l'as'eye'j pa' witqatsjikinet, jukhewiwatitstaxkii qa wanaqsi'j'lejiiijkii in

* **11:29** Ex 14:22-30 * **11:31** Jos 2:1; 6:23 * **11:32** Jue 4:6; 11:1; 13:24; 1S 1:20; 16:1,13 * **11:33** 2S 7:11; 8:1-3; Jue 14:5-6; 1S 17:34-37; Dn 6:22

t'unitsji'ijkii, lekhewel pa'aj les in t'units qa watlanji'ij, yeq'ilatjiijkii pe' lawatlanhefets.*

³⁵ Pe' efuts yaqamtaxij pe' lelitsik'i, qa testi-iji'ij in hats ikiji'ij. Qa pekhewep^{le} qa yaq'alji'ij lengek'uwjei, qe qa' nana'li'm pa'qu' lijiye' iye les in le'wis, ma' qa nite' t'eku'miju'l in tewejinheti-itaxkii.

³⁶ Qa pekhewep qa tawtshenheti'yijkii wi'tlijei qa teqsilanhetiije'mkii iye, qa t'ophehitiyiju' iye pe' folohik'il qa wenuijinifi iye pe' witq'ophehiti, *

³⁷ naq'axiju' pe' uja'x in tejelaxti'yijkii pe' utel, weniwk'itsinjem laljai pe' uja'x, qi in t'emehetsetiyijetskii pe'ye' in tajaajinhetiitaxkii, naq'axiju' pe' uja'x witqatsjinet, qa pekhel tufufji'kii uja'xhi'i in yeqhinataji' kots'etets qa kots'eteikal l'ajits. If'iljetsits, yaats'e'ej wekwek, qa ul'ax lenifenyeyei iye.*

³⁸ Aka' lunyejei enewe'en qa nite' leke'tax qu' na'nipji' ha'ne ul'ax sehe', neki'ikii pa' neki'kii pa' ham i'ni'i', pa' uteket, i'nifikii pe' kumummifi utekui qa pe' kumummik'iju' pa' uteket hik lunyejei witiwjets.

³⁹ Enewe'en in yemjeetax in nite' yegeku'tax pa' Intata, qa nite'le tisij pa' yiwjutsiqen pa'aj,

⁴⁰ qe pa' Intata hats yaji'let pa' qi in le'wis qu' net'ejui inwets, hats'inha qa' je'weeki'il hatse' pekhewe'en qu' jinink'aihit qa' injunyejeye' pakha' yisu'uunija pa' Intata qu' injunyejeye'.*

* **11:34** Jue 15:8; 2R 20:7; Dn 3:25 * **11:36** Gn 39:20; Jer 20:2

* **11:37** 2Cr 24:20-21; 1R 19:10; 21:13; 2R 1:8 * **11:40** He 11:16;

Ap 6:11

12

Pa' Intata yitanithen iye pekhewe' hats telitsij.

¹ Qa hik ta'hijupi' qu' jintejeleii enewe' qu' jinet-jeyumtshenle injupi' in t'ejuyets pa' nite' in-qekuyejei enewe'en olots pa'aj hik lunye'j qu' jineqewuk'un, qa' jintewejin eku'n pakha' qu' jinnok'elettaxkii qa' jintewejinija iye pakha' qu' nite' jutsitaxe' qu' jiniyejinju' ul'ax, qa' jinekuma'x qa' hasu'uj qu' jineneqlineyu'uj in ju'un ji'teje'm pe' wa'nq'an,*

² qa' jintejeleiiha ha' Jesús, hikha' yenju' pa' nite' inqekuyejei qa' hikha' iye qu' les nami-tik'uiha hatse'. Hikha' in yejeleiiha pa' witsa'x qa' qi in went'unhetifi ke' Cruz, nite' yisu'un qu' newepinkii, qa' hane'ej qa' hats i'niju' pa' yiya'yik'i pa' Intata pa' lots'ojila'xipji'.*

³ Ijamti'ikii hakha' qi in went'unhetii'iju'l pakha' l'apjahattaxi'm pekhewe' ul'ax yaqsiijkii, hats'inha qu' nite' eniwefi'ilju' qa' nite' atha'la'li'ilju' iye.*

⁴ Qe hane'ej in lawatlani'l pa' witwu'l'ax, qa' mexele nite' nami'l ewets qu' me'nt'unheti'hiju'l qa' iplu'ui qu' naq'ali'l ej.

⁵ Qa hats lantapi'ilik'i iye kakha' ankaklineya'xtaxi'l in lunyejeyek ne'ej witlits in wenit'ilij ewets: —Ya's, iwu'mkite'iju'l pa' laxtsathenkeye'j ej pa' Yatsat'ax'inij, qa' hasu'uj iye utenij in naq'ayinij,*

⁶ *qe pa' Yatsat'ax'inij pakha' qu' nisu'un, pakha'an in yaqsi'jtaxijkii pa'qu' ul'axe' qa' yitanithen qe qa'*

* 12:1 He 10:36; 11:2,4-5,39; 1Co 9:24

* 12:2 Lc 24:26; Fil 2:8-9;

He 13:13

* 12:3 Mt 10:24; Ga 6:9

* 12:5 Job 5:17; Sal 94:12; Ap

3:16

natsathenket, qa yeqsilankii iye pakha' qu' ta'si'ij.—
(Pr 3:11,12)

⁷ Qa hik ta'lijupi' in laqsiijkii pa' u'l'ax qa l'atanithenhetii, qe pa' Dios hats lelitsi'l ej qa leqfenejeyi'l ej aka'an, ¿qe pa'n i'ni' pa'qu' wita'se' qu'nte' nitanithene' qe qa' natsathenket pa'qu' latataye'?*

⁸ Qa qu' nite'le natanitheni'l pa' Intata in laqsiihjkii pa' u'l'ax, ma' qa ikji' in nite' lelitsi'l ej, qe pa' Intata yitanithen week pe' lelits.

⁹ Week inekhewel na'l ine'm i'nalhei qa jiyitanithen in jitaqsiijkii pa'qu' u'l'axe', ma' qa jitek'enets. ¿Qa inhats'ek qu' nite' jinewet'isi'ij qa les jintek'eenetsha pakha' latata pe' inihii, qa' ji'liye'?*

¹⁰ Qe enewe' i'nalhei l'ajli'ij in jiyitanithen in jitaqsiijkii na'aj u'l'ax qe qa' injunyejeye' pakha' yumti qu' le'wise' qu' injunyejeye', qa pakha'le Intata qa jiyitanithen in jitaqsiijkii na'aj u'l'ax, qe qa' je'le'sitse'ju', ma' qa' leke'ye' qu' hik injunye'je' hatse' pa' lunye'j pakha'an ham u'l'axe'.*

¹¹ Yijaa'ija in ham pa'qu' witaxtanithenkeye'je' qu' jini'sinheti'mkii in nam inwets, qe jitaats'e' yijat'ij. Qa jiyet'isi'ij pa' wit'ikesimeya'x qa qu' jintatsathen iye in hats jit'atsji'hjifik'i.*

¹² Qa hik ta'lijupi', in lanami'l ju'kii in hats l'ajaajinhetyi'l, qa' mapilitets iye qu' it'unhetti'lik'i ne' okoyeyi'l qa enihini'lpha'm iye ne' aqhutsiyi'l in hats nite' t'unitstaxik'i.*

* **12:7** Dt 8:5; 1P 5:9 * **12:9** Nm 16:22; Is 38:16 * **12:10** Lv 11:44;

2P 1:4 * **12:11** Is 32:17; Stg 3:17-18; 1P 1:6 * **12:12** Job 4:3-4; Is 35:3

13 Ma'añik'i pa' wit'ikheyi'j le'wisik'i qa yatsathen qu'net'ejujets ne' ef'iyeyi'ł, hats'inha pakha' i'nk'a napa'liyuj'i ef'i' qa' nite' naname' wetju'ł iye, qe qa nanpa'łji' yijat'ij.*

Jeti'łju'ł, hasu'uj oqowe'yi'łju'ł pa' Intata.

14 Mowo'ohi pa'qu' le'wise' qu' ejunyejeyi'łets ene' week hats'inha qu' ikesimen h'iłkii, qa' mowo'ohi iye qu' hasu'uj aqsiiłjkii pa' uł'ax, qe qu' nite' aqsii'łi'łjkii aka'an qa' nite' leke'ye' qu' i'weni'ł pa' Yatsat'ax'inij.*

15 Jeti'łju'łha hasu'uj pa'qu' naqamij in yisu'un qu' namets pa' leqilinkeye'j pa' Intata, qa hasu'uj pakha' qu' hik łunye'je' qu' nana'li'm pa'qu' lefitets'e' ek'imii, ma' qa nalit pa'qu' uł'axe' qa suujle qa hats weekijipji'.*

16 Hasu'uj nana'li iye pakha' qu' nanawitjile qa nite' q'i'i'mji' pa' Intata in łunye'jek pa'aj pa' Esaú in t'ihini'j pakha' qek natsat'axtaxij in ajit pa'aj qa yileyijkitiju'ł pa' laq.*

17 Lenikfe'li'łets pa' Esaú in hats yisu'untax pa'aj qu' netesti'yij pakha' qek natsat'axtaxij in ajit pa'aj, qa hatsle nite' leke', yemjeetax in yaq'aptaxij qa hatsle ham leke'ye' qu' nenink'ayhitik'ui pakha' hats wanaqsiiłjkii.*

18 Ekhweli'ł nite' hik ejunyejeyi'ł pe' aqa'jteyi'łik'i qu' ma'alets pe'qu' utek'e' nite' lenexke'ej qu' ji'nt'ekumtaxets, pa'qu' fet'e' qu'

* 12:13 Pr 4:26; Ga 6:1 * 12:14 Ro 6:22; 14:19; Mt 5:8; 2Co 7:1

* 12:15 2Co 6:1; Ga 5:4; He 3:12; 10:39 * 12:16 1Ti 1:9; 4:7; 6:20;

2Ti 2:16; Gn 25:33 * 12:17 Gn 27:34-38

lepepekii, pa'qu' nooyekiiha, pa'qu' iftsaxe'kii najatax, pa'qu' net'unijik'i,*

¹⁹ pa'qu' t'uni'ik'i l'a'x pe'qu' foje', pa'qu' kim-mimime' l'a'x pe'qu' wi'tlijeye', hik pakha' wit'ax pa'aj in yepi'ye' pekhewe'en, qa iyinets qu' yape hasu'uj niyet.

²⁰ Qe pekhewe'en nite' weju'liju'l kakha' wenit'ij in yit'ij: —*Lunye'j ji'ij iye qu' inqa'met'eletax qu' not'otsipji' na' sehe' ne' utek qa' netje'laxti'yijkii pe'qu' utele' qa nawa'm.*— (Ex 19:12)

²¹ Qii'ija pa'aj in iftsaxji' pakha' lunye'jkii, qa pa' Moisés qa yit'ij: —*Tsitsalalinhetkii pa' yijiweya'x qi in topo'yij.*— (Dt 9:19)

²² Qa ekhewelli'il qa hats laki'lets pe' utek Sión qa pa' letset pa' nite' wa'm Dios, hikpa' witset Jerusalén wa'sji', qa hats laki'lets iye pe' milits angelits,*

²³ hats laki'lets iye pe' not'ax wetju'l le'sitsi'mkii, hikpe' pe' week hats yamii pa' Intata hik lunyejei na'aj ajit ne'ej witlits pe' liyits we'nika'ajji' na' wa'sji', qa hats laki'lets iye pa' Dios hikpa' juez ha'ne week, hats laki'lets iye pe' hats le'siitsija leqe espiritul pe' yatsathen,*

²⁴ qa hats laki'lets iye ha' Jesús, hikha' jiyamitets kakha' ink'ayik wenit'ij, qa hats laki'lets iye pe' t'ilitfik'i pa'aj l'athits, hik pekhewe' pa' l'anyejei le'wisik'i, qa nite' hik l'anyejei pa'aj pe' l'athits pa' Abel'ik'i in yisu'unletax qu' natqa'tjai.*

* **12:18** Ex 19:12-13,18; 20:18-21; Dt 4:11; 5:5,25 * **12:22** Ga 4:26; He 11:10 * **12:23** Sal 94:2; Lc 10:20; Fil 3:12 * **12:24** 1Ti 2:5; He 7:22; 8:6; 9:15; 11:4; 13:20; 1Co 11:25; 2Co 3:6; Gn 4:10

25 Qa hik ta'hijupi' jehi'hiju'l qu' hasu'uj oqowe'yi'liju'l pakha' hane'ej iyeti'l ek'ui. Qe in nite' leke' qu' nilattaxik'ui pa'aj pekhewe'en pakha' yiyajitaxetskii ha'ne sehe' epji', ye'ehe qa' les qu' nite' leke'ye' wiikfik'i qu' ji'nilattaxik'ui qu' ji'nt'anuitaxi' pa' jiyiyajitaxetskii wa'siipha'm.*

26 Pa' l'a'x yime'lejit pa'aj pa' sehe', qa ha'nehi'ij pakha'an qa yiwjutsiqen in yit'ij: —Ewi'hij iye qu' hime'lejit hatse', qa' hats nite' ewi'le'le ha'ne sehe', qe na' wa's iye qu' hime'lejit.— (Hag 2:6)*

27 Qa aka' yit'ij: —Ewi'hij iye— qa jiyikfelitets in week hatse' pekhewe' witaqsijiju' qu' netwu'mhitii pekhewe' leke' in me'le'l, qe qa uja'xe'le qu' amaneyi'i' pekhewe' nite' leke' qu' me'le'le'.*

28 Qa hik ta'hijupi' inekhwel in jintesti'yij hatse' pakha' nite' leke' qu' me'le'le'. Qa' jintit'ijets pa' Intata in qi in le'wisij, qa' ji'niyinii qa in lunye'jek pakha' witjunye'j yi'sinhetij pa' Intata. Qa' jinewethiisijha qu' jintewqinhetji'ha qa qu' jine'nijiweyiju'ha iye,*

29 qe pa' Intata hik lunye'j na'aj fe't in week naq'axij.*

13

Pa'qu' naqsiijkii pe' yijayan pa' Jesús.

1 Hasu'uj ili'ihij qu' mewet-su'uni'l qe hats e'witjefeyek'il.*

* 12:25 He 2:2-4,6; 8:5; 11:7 * 12:26 Ex 19:18 * 12:27 1Co 7:31; 2P 3:10 * 12:28 Dn 2:44; He 13:15 * 12:29 Dt 4:24; 2Ts 1:8
* 13:1 Ro 12:10; 1P 1:22

² Hasu'uj antapi'ikii in leneqjunu'ulij qa letisi'hij na'aj lewhi'we't ne'ej hi'wenifik'ui, qe aka'an in ta'lets qa na'l pe' uja'x i'wjiiup pe' angelits qa nite'le nikfe'lets.*

³ Hasu'uj antapi'ikii iye pekhewe' ejefetsi'lipji' wit'ophehii, qu' hik lunye'je' qu' onophehifetsi'il, qa pekhewe' iye yaats'e'ej ul'ax lenifenyjei, qe hats ewi'l pa' ese'ni'l.*

⁴ E'weeki'il qu' qitsi'il e'mji'ha in l'ewheye'yi'l, jehi'lets, hasu'uj netjilii in l'ewheye'yi'lju', qe pa' Intata yitanithen pekhewe' wanawitjili'ijju'kii l'esenits qa pe' wanawitjile hats tewhe'yeitax.

⁵ Jeli'lik'ui pa'qu' ejunyejeyi'il hasu'uj qu' isu'uni'l wiikfik'i kekhewe' l'astai, i'weju'eni'hij pakha' luk'e' pekhewe' hats na'li'l e'm, hats lek yit'ij pa' Intata: —*Nite' k'ewejinte, nite' tsitapi ei.*— (Dt 31:6)*

⁶ Qa hik ta'hijupi', jiwetjumti'ik'ikiiha qa' jintit'ij: —*Pa' Yatsat'ax'inij hikpa' tsi'fen, tees qu' nets'ijiwei. ¿Lekpa' qu' leqfenyjetaxyij ene' jukhew qa efuts iye qu' nite' lexke'yi'ij pa' Yatsat'ax'inij?*— (Sal 118:6)*

⁷ Ijamti'ikii pekhewe' nifeli'l e'm ke' Intata le'lijei, jehi'hii pa' yamitji' in le'wis pa' lunyejei, qa' ojonketihik'i pa' lunyejei in nite' yeqeku'.*

⁸ Ha' Jesucristo nite' yili'ij pakha' hatsle lunye'j ne'u, qa hane'ej, qa pakhaayi'ij iye.*

⁹ Hasu'uj metwejinilij qu' ek'eni'lik'i pekhewe' qu' witq'ijatshenkeyejeje' nite' lunyejeyiju'l ekewe'en qa pe' pakhaa'ija lunyejei. Qe les in

* 13:2 Gn 18:3; Mt 25:35 * 13:3 Mt 25:36; 1Co 6:9 * 13:5 Dt 31:8; Jos 1:5; Fil 4:11 * 13:6 Sal 27:1; 56:4,11 * 13:7 He 6:12; 13:17,24 * 13:8 Jn 8:58; He 1:12

le'wisju' qu' nata'lets pa' leqsu'unka'x pa' Intata qu' jet'unitse', qa nite' pa'qu' jinteluj. Hik aka' ham weju'li'ij pekhewe' yaqsiijkii aka'an.*

¹⁰ Qa inekhewelle qa na'l hakha' hats wa'm infi qa yiwu'm pe' ul'ets, qa pekhewe'en qa nite' weju'lij qu' nittaxijets qu' nijayan qe nite' yili'ij in yilanji'ijtax pe' inqa'metets qu' net'ejuyets pe' lewu'ets.*

¹¹ Qe na'aj qiji' pa'i in yeka'xifi ne'ej l'athits ne'ej inqa'metetsik'i pa' te'weiteje'm latawe'j pe' witlijsitijii qu' net'ejuyets pe' witwu'ets, qa ne'ej l'esenits qa tewu'mhityik'uifik'i na'aj witset, ma' qa tene'lju'.*

¹² Qa hik lunye'j ha' Jesús in yiwu'm pe' witwu'ets qe ta'lets pe' l'athits, qa wetka'xik'uifik'i pa' witset qa qi in yaats'e'ej.*

¹³ Qa hik ta'lijupi' yape ju'uketsfik'i pakha' i'nfik'i, ma' qa' jinakijets qa' jinakifikii pa' witwepina'xtax in lenifenyel'j.*

¹⁴ Qe ham ha'ne'e' pa'qu' initset'e' qu' nite' niliyi'ij, qe jiwo'oikii yijat'ij pakha' mexe hamik'ui.*

¹⁵ Qa hik ta'lijupi', hasu'uj jiteli'ij qu' jintelisij pa' Intata qu' nata'lets ha' Jesucristo qa pa' jitelisij pakha'an in jitewqinhet, ye'ehe, ha'ne'ineji' in hats tetfelij ka' hii hakha'an qa hik aka' lunye'j.*

¹⁶ Hasu'uj antapi'ihii pa' le'wis qu' aqsiihjkii qa qu' i'feni'l iye pekhewep, qe hik ekewe' ju'ukifikii

* **13:9** Ef 4:14; Col 2:16

* **13:10** 1Co 9:13; 10:18

* **13:11**

1Co 9:13; 10:18; Ex 29:14; Lv 16:27

* **13:12** Jn 19:17; Hch 7:58

* **13:13** He 11:26; 1P 4:14

* **13:14** Mi 3:10; He 12:22

* **13:15**

Lv 7:12; Os 14:2; Ef 5:20

yisu'un pa' Intata.*

17 Ek'eni'lets pekhewe' tenek'enhe'yi't epji' in hijayani't pa' Intata qa' aqsiihjkii iye pa'qu' nit'ihij ewets, qe lekhwel neje'ij epji'. Qa nikfe'lets in ikets hatse' pa' Intata qa' nenfeli'm pa'qu' ejunyejeji'ihij. Mowo'ohii qu' i'sinheti'hi'mkii in nithayiki'it qa' hasu'uj qu' iwul'enheti'hi'mkii, qe qu' iwul'enheti'hi'mkii qa' nite' leke' qu' ne'feni't.*

18 Iyini'lyipji'kii, qe yekhweli't tsikfe'li'lets in ham pa'qu' u'axe' qu' haqsiihjkii. Qa ewi'He in hisu'uni't qu' ham net'ejuyi'iju't week pa'qu' haqsiihjkii.*

19 Les in k'iyini'lij ewets pe' iyinhejejeji't hats'inha pa' Intata qu' lexke'yi'ij qa' nite' optoxe' qu' hetpili't ei iye.

Pa' Dios qu' ne'feni't.

20 Pa' Dios pa' wit'ikesimeya'x, qa hikpa' iye niihinik'uipha'm pe' naxju' ha' Jesús Yatsat'ax'inij, hikha' qiji' kots'etets lenilayets qe ta'lets pe' l'athits hik pekhewe' yit'unhet kakha' ink'ayik wenit'ij hik kakha' nite' leke' qu' nili'ij.*

21 Pa' Dios qu' hik pakha'ye' qu' nelisi'lij week pa' le'wis hats'inha qu' aqsiihjkii pa' yisu'un, qa qu' net'ithayii'initji' iye inekhwel qa' jintaqsiihjkii pa' yisu'un qu' nata'lets ha' Jesucristo, hikha' neni-wqinhetji'ha qa hasu'uj qu' newetli'ij. Amén.*

* **13:16** Ro 12:13; Fil 4:18

* **13:17** Is 62:6; Ez 3:17; Hch 20:28

* **13:18** Hch 23:1; 1Ts 5:25

* **13:20** Jn 10:11; Hch 2:24; Ro 15:33;

Zac 9:11; He 7:22; 8:6-10; 9:15; 12:24

* **13:21** Ro 11:36; Fil 2:13;

1P 5:10

²² Yejefets, k'iyini'lij ewets qu' me'nikulayiti'lets ekewe' uja'x qu' k'akakini'f in he'nq'ika'alij ei.*

²³ Hisu'un qu' enikfe'li'lets hakha' inejefe Timoteo in hats t'atsji'fik'i iye in t'ophekitiitax, qa qu' aje'eł nanamyii qa' hikha' qu' yijts'eye'kii hatse' qu' natsamtaxi'f ei qa' k'eweni'f.

²⁴ Hewetfelii pe' week pekhewe' tenek'enhe'yi'f epji' in hijayani'f pa' Intata, qa week pe' inejefetsipji'. Enewe' inejefetsipji' pa' Intata Italia lelets wetfeli'f ei.

²⁵ Pa' qi leqi'fenkeye'j ha' Yatsat'ax'inij qu' hikpa' na'ni'f ejupha.

* 13:22 Hch 16:1; Col 4:18; 1Ts 3:2; He 13:7,17; 1P 5:12

INTATA LE'LIJEI
New Testament in Maka

copyright © 2013 Wycliffe Bible Translators, Inc.

Language: Maka

Translation by: Wycliffe Bible Translators, Inc.

Copyright Information

© 2013, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Maka

© 2013, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files
dated 29 Jan 2022
9c3673e4-2b93-51ec-8ba3-aac5c1cd65b0